





孟子

朱熹集註序說

史記列傳曰孟軻騶人也受業子思之門人  
 道既通游事齊宣王宣王不能用適梁梁惠  
 王不果所言則見以為迂遠而闊於事情當  
 是之時秦用商鞅楚魏用吳起齊用孫子出  
 息天下方務於合從連衡以攻伐為賢而孟  
 軻乃述唐虞三代之德是以所如者不合退  
 而與萬章之徒序詩書述仲尼之意作孟子



七篇

韓子曰堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉苟與楊也擇焉而不精語焉而不詳○又曰孟氏醇乎醇者也苟與楊大醇而小疵○又曰孔子之道大而能博門弟子不能徧觀而盡識也故學焉而皆得其性之所近其後離

散分處諸侯之國又各以其所能授弟子源遠而未益分惟孟軻師子思而子思之學出於曾子自孔子沒獨孟軻氏之傳得其宗故求觀聖人之道者必自孟子始○又曰楊子雲曰古者楊墨塞路孟子辭而闢之廓如也夫楊墨行正道廢孟子雖賢聖不得位空言無施雖切何補然賴其言而今之學者尚知宗孔氏崇仁義貴王賤霸而已其太經大法



皆亡滅而不救壞爛而不收所謂存十一於  
千百安在其能廓如也然向無孟氏則皆服  
左社而言侏離矣故愈嘗推尊孟氏以為功  
不在禹下者為此也

或問於程子曰孟子還可謂聖人否程子曰未  
敢便道他是聖人然學已到至處○程子又  
曰孟子有功於聖門不可勝言仲尼只說一  
箇仁字孟子開口便說仁義仲尼只說一箇

志孟子便說許多養氣出來只此二字其功  
甚多○又曰孟子有大功於世以其言性善  
也○又曰孟子性善養氣之論皆前聖所未  
發○又曰學者全要識時若不識時不足以  
言學顏子陋巷自樂以有孔子在焉若孟子  
之時世既無人安可不以道自任○又曰孟  
子有些英氣才有英氣便有牛角英氣甚害  
事如顏子便渾厚不同顏子去聖人只毫髮



間孟子太賢亞聖之次也或曰英氣見於甚處曰但以孔子之言比之便可見且如冰與水精非不光比之玉自是有溫潤含蓄蓄氣象無許多光耀

楊氏曰孟子下書只是要正人心教人存心養性收其放心至論仁義禮智則以惻隱羞惡辭讓是非之心為之端論邪說之害則曰生於其心害於其政論事君則曰格君心之非

一正君而國定千變萬化只說從心上來人能正心則事無足為者矣大學之脩身齊家治國平天下其本只是正心誠意而已心得其正然後知性之善故孟子遇人便道性善歐陽永叔卻言聖人之教人性非所先可謂誤矣人性上不可添一物堯舜所以為萬世法亦是率性而已所謂率性循天理是也外邊用計用數假饒立得功業只是人欲之私



與聖賢作處天地懸隔

孟子

朱熹集註

梁惠王章句上

孟子見梁惠王。王曰：叟不遠千里而來，亦將有以利吾國乎？孟子對曰：王何必曰利？亦有仁義而已矣。王曰：何以利吾國？大夫曰：何以利吾家？士庶人曰：何以利吾身？上下交征利而國危矣。萬乘之國，殺其君者必千乘之家；千乘之國，殺其君者必百乘之家；萬取千焉，千取百焉，不為



不多矣苟爲後義而先利不奪不厭食未有仁而遺其親者也未有義而後其君者也王亦曰仁義而已矣何必曰利○孟子見梁惠王王立於沼上顧鴻鴈麋鹿曰賢者亦樂此乎孟子對曰賢者而後樂此不賢者雖有此不樂也詩云經始靈臺經之營之庶民攻之不日成之經始勿國庶民予來王在靈囿麋鹿攸伏麋鹿濯濯白鳥鶴鶴王在靈沼於叔魚躍文王以民力爲臺爲沼而民歡樂之謂其臺曰靈臺謂其沼曰靈沼樂其有麋鹿魚鼈古之人與民偕樂故能樂也湯誓曰時日害喪予及女偕亡民欲與之偕亡雖有臺池鳥獸豈能獨樂哉○梁惠王曰寡人之於國也盡心焉耳矣河內凶則移其民於河東移其粟於河內河東凶亦然察鄰國之政無如寡人之用心者鄰國之民不加少寡人之民不加多何也孟子對曰王好戰請以戰喻填

孟子卷之七

梁惠



然鼓之。兵刃既接，棄甲曳兵而走。或百步而後止，或五十步而後止。以五十步笑百步，則何如？曰：不可。直不百步耳，是亦走也。曰：王如知此，則無望民之多於鄰國也。不違農時，穀不可勝食也。數罟不入洿池，魚鼈不可勝食也。斧斤以時入山林，材木不可勝用也。穀與魚鼈不可勝食，材木不可勝用，是使民養生喪死無憾也。養生喪死無憾，王道之始也。五畝之宅，樹之以桑，五十者可以衣帛矣。雞豚狗彘之畜，無失其時，七十者可以食肉矣。百畝之田，勿奪其時，數口之家，可以無飢矣。謹庠序之教，申之以孝悌之義，頒白者不負載於道路矣。七十者衣帛食肉，黎民不飢不寒，然而不王者，未之有也。狗彘食人食，而不知檢，塗有餓莩，而不知發，人死，則曰：非我也，歲也是。何異於刺人而殺之，曰：非我也，兵也。王無罪歲，斯天下之民至焉。

○梁惠王曰：寡



人願安承教孟子對曰殺人以挺與又有以異乎。曰無以異也。以及與政。有以異乎。曰無以異也。曰庖有肥肉。廄有肥馬。民有飢色。野有餓莩。此率獸而食人也。獸相食。且人惡之。為民父母。行政不免於率獸而食人。惡在其為民父母也。仲尼曰。始作俑者。其無後乎。為其象人而用之也。如之何其使斯民飢而死也。○梁惠王曰。晉國天下莫強焉。叟之所知也。及寡人之身。東敗於齊。長子死焉。西喪地於秦。七百里。南辱於楚。寡人耻之。願比死者一洒之。如之何其則可。孟子對曰。地方百里。而可以王。王如施仁政於民。省刑罰。薄稅斂。深耕易耨。壯者以暇日脩其孝悌。忠信。人以事其父兄。出以事其長上。可使制挺以撻秦楚之堅甲利兵矣。彼奪其民時。使不得耕耨以養其父母。父母凍餓。兄弟妻子離散。彼陷溺其民。王往而征之。夫誰與王敵。故曰仁者



無敵王請勿疑○孟子見梁襄王出語人曰望  
之不似人君就之而不見所畏焉卒然問曰天  
下惡乎定吾對曰定于一孰能一之對曰不嗜  
殺人者能一之孰能與之對曰天下莫不與也  
王知夫苗乎七八月之間旱則苗槁矣天油然  
作雲沛然下雨則苗浡然興之矣其如是孰能  
禦之今夫天下之人牧未有不嗜殺人者也如  
有不嗜殺人者則天下之民皆引領而望之矣  
誠如是也民歸之由水之就下沛然誰能禦之  
齊宣王問曰齊桓晉文之事可得聞乎孟子  
對曰仲尼之徒無道桓文之事者是以後世無  
傳焉臣未之聞也無以則王乎曰德何如則可  
以王矣曰保民而王莫之能禦也曰若寡人者  
可以保民乎哉曰可曰何由知吾可也曰臣聞  
之胡龔曰王坐於堂上有牽牛而過堂下者王  
見之曰牛何之對曰將以釁鐘王曰舍之吾不



忍其觥觶若無罪而就死地對曰然則廢釁鐘  
與曰何可廢也以羊易之不識有諸曰有之曰  
是心足以王矣百姓皆以王爲愛也臣固知王  
之不忍也王曰然誠有百姓者齊國雖褊小吾  
何愛一牛卽不忍其觥觶若無罪而就死地故  
以羊易之也曰王無異於百姓之以王爲愛也  
以小易大彼惡知之王若隱其無罪而就死地  
則牛羊何擇焉王笑曰是誠何心哉我非愛其  
財而易之以羊也宜乎百姓之謂我愛也曰無  
傷也是乃仁術也見牛未見羊也君子之於禽  
獸也見其生不忍見其死聞其聲不忍食其肉  
是以君子遠庖厨也王說曰詩云他人有心予  
忖度之夫子之謂也夫我乃行之反而求之不  
得吾心夫子言之於我心有戚戚焉此心之所  
以合於王者何也曰有復於王者曰吾力足以  
舉百鈞而不足以舉一羽明足以察秋毫之末



而不見與薪則王許之乎曰否今恩足以及禽  
獸而功不至於百姓者獨何與然則一羽之不  
舉爲不用力焉與薪之不見爲不用明焉百姓  
之不見保爲不用恩焉故王之不王不爲也非  
不能也曰不爲者與不能者之形何以異曰挾  
泰山以超北海語人曰我不能是誠不能也爲  
長者折枝語人曰我不能是不爲也非不能也  
故王之不王非挾泰山以超北海之類也王之  
不王是折枝之類也老吾老以及人之老幼吾  
幼以及人之幼天下可運於掌詩云刑于寡妻  
至于兄弟以御于家邦言舉斯心加諸彼而已  
故推恩足以保四海不推恩無以保妻子古之  
人所以大過人者無他焉善推其所爲而已矣  
今恩足以及禽獸而功不至於百姓者獨何與  
權然後知輕重度然後知長短物皆然心爲甚  
王請度之抑王興甲兵危士臣構怨於諸侯然



後快於心與王曰否吾何快於是將以求吾所  
大欲也曰王之所大欲可得聞與王笑而不言  
曰爲肥甘不足於口與輕煖不足於體與抑爲  
采色不足視於目與聲音不足聽於耳與便嬖  
不足使令於前與王之諸臣皆足以供之而王  
豈爲是哉曰否吾不爲是也曰然則王之所大  
欲可知已欲辟土地朝秦楚莅中國而撫四夷  
也以若所爲求若所欲猶緣木而求魚也王曰  
若是其甚與曰殆有甚焉緣木求魚雖不得魚  
無後災以若所爲求若所欲盡心力而爲之後  
必有災曰可得聞與曰鄒人與楚人戰則王以  
爲孰勝曰楚人勝曰然則小固不可以敵大寡  
固不可以敵衆弱固不可以敵強海內之地方  
千里者九齊集有其一以衣服八何以異於鄒  
敵楚哉蓋亦反其本矣今王發政施仁使天下  
仕者皆欲立於王之朝耕者皆欲耕於王之野



商賈皆欲藏於王之市。行旅皆欲出於王之塗。  
 天下之欲疾其君者，皆欲赴愬於王。其如是，孰  
 能禦之？王曰：吾惜不能進於是矣。願夫子輔吾  
 志明以教我。我雖不敏，請嘗試之。曰：無恒產而  
 有恒心者，惟士為能。若民，則無恒產，因無恒心。  
 苟無恒心，放辟邪侈，無不為已。及陷於罪，然後  
 從而刑之，是罔民也。焉有仁人在位，罔民而可  
 為也？是故明君制民之產，必使仰足以事父母，

俯足以畜妻子，樂歲終身飽，凶年免於死亡。然  
 後驅而之善，故民之從之也輕。今也制民之產，  
 仰不足以事父母，俯不足以畜妻子，樂歲終身  
 苦，凶年不免於死亡。此惟救死而恐不贖，奚暇  
 治禮義哉？王欲行之，則盍反其本矣。五畝之宅，  
 樹之以桑，五十者可以衣帛矣。雞豚狗彘之畜，  
 無失其時，七十者可以食肉矣。百畝之田，勿奪  
 其時，八口之家，可以無飢矣。謹庠序之教，申之



以孝悌之義頌白者不負戴於道路矣老者衣  
帛食肉黎民不飢不寒然而不王者未之有也

梁惠王章句下

莊暴見孟子曰暴見於王王語暴以好樂暴未  
有以對也曰好樂何如孟子曰王之好樂甚則  
齊國其庶幾乎他日見於王曰王嘗語莊子以  
好樂有諸王變乎色曰寡人非能好先王之樂  
也直好世俗之樂耳曰王之好樂甚則齊其庶

幾乎今之樂猶古之樂也曰可得聞與曰獨樂  
樂與人樂樂孰樂曰不若與人曰與少樂樂與  
衆樂樂孰樂曰不若與衆臣請為王言樂今王  
鼓樂於此百姓聞王鐘鼓之聲管籥之音舉疾  
首蹙頰而相告曰吾王之好鼓樂夫何使我至  
於此極也父子不相見兄弟妻子離散今王田  
獵於此百姓聞王車馬之音見羽旄之美舉疾  
首蹙頰而相告曰吾王之好田獵夫何使我至



於此極也。父子不相見，兄弟妻子離散，此無他，不與民同樂也。今王鼓樂於此，百姓聞王鐘鼓之聲，管籥之音，舉欣欣然有喜色，而相告曰：「吾王庶幾無疾病與，何以能鼓樂也。」今王田獵於此，百姓聞王車馬之音，見羽旄之美，舉欣欣然有喜色，而相告曰：「吾王庶幾無疾病與，何以能田獵也。」此無他，與民同樂也。今王與百姓同樂而則王矣。

○齊宣王問曰：「文王之囿方七十里，有諸？」孟子對曰：「於傳有之，曰：『若其大乎？』曰：『民猶以為小也。』曰：『寡人之囿方四十里，民猶以為大，何也？』曰：『文王之囿方七十里，芻蕘者往焉，雉兔者往焉，與民同之，民以為小。不亦宜乎？』臣始至於境，問國之太禁，然後敢入。臣聞郊關之內，有囿方四十里，殺其麋鹿者，如殺人之罪，則是方四十里為阱於國中，民以為大，不亦宜乎？」

○齊宣王問曰：「交鄰國有道乎？」孟子對曰：「有，惟仁。」

於此極也。父子不相見，兄弟妻子離散，此無他，不與民同樂也。今王鼓樂於此，百姓聞王鐘鼓之聲，管籥之音，舉欣欣然有喜色，而相告曰：「吾王庶幾無疾病與，何以能鼓樂也。」今王田獵於此，百姓聞王車馬之音，見羽旄之美，舉欣欣然有喜色，而相告曰：「吾王庶幾無疾病與，何以能田獵也。」此無他，與民同樂也。今王與百姓同樂而則王矣。

○齊宣王問曰：「文王之囿方七十里，有諸？」孟子對曰：「於傳有之，曰：『若其大乎？』曰：『民猶以為小也。』曰：『寡人之囿方四十里，民猶以為大，何也？』曰：『文王之囿方七十里，芻蕘者往焉，雉兔者往焉，與民同之，民以為小。不亦宜乎？』臣始至於境，問國之太禁，然後敢入。臣聞郊關之內，有囿方四十里，殺其麋鹿者，如殺人之罪，則是方四十里為阱於國中，民以為大，不亦宜乎？」

○齊宣王問曰：「交鄰國有道乎？」孟子對曰：「有，惟仁。」



者為能以大事小。是故湯事葛。文王事昆夷。惟  
智者為能以小事大。故太王事獯鬻。勾踐事吳。  
以大事小者。樂天者也。以小事大者。畏天者也。  
樂天者。保天下。畏天者。保其國。詩云。畏天之威。  
于時保之王曰。大哉言矣。寡人有疾。寡人好勇。  
對曰。王請無好小勇。夫撫劍疾視曰。彼惡。敢當  
我哉。此匹夫之勇。敵一人者也。主請大之。詩云。  
王赫斯怒。爰整其旅。以遏徂莒。以篤周祜。以對

于天下。此文王之勇也。文王一怒而安天下之  
民。書曰。天降下民。作之君。作之師。惟曰。其助上  
帝。寵之四方。有罪無罪。惟我在。天下曷敢有越  
厥志。一人衡行於天下。武王耻之。此武王之勇  
也。而武王亦一怒而安天下之民。今王亦一怒  
而安天下之民。民惟恐王之不好勇也。○齊宣王  
見孟子於雪宮。王曰。賢者亦有此樂乎。孟子對  
曰。有人不得則非其上矣。不得而非其上者。非



也為民上而不與民同樂者亦非也樂民之樂

者民亦樂其樂憂民之憂者民亦憂其憂樂以

天下憂以天下然而不王者未之有也昔者齊

景公問於晏子曰吾欲觀於轉附朝儻遵海而

南放于琅邪吾何脩而可以比於先王觀也晏

子對曰善哉問也天子適諸侯曰巡狩巡狩者

巡所守也諸侯朝於天子曰述職述職者述所

職也無非事者春省耕而補不足秋省斂而助

不給夏諺曰吾王不遊吾何以休吾王不豫吾

何以助一遊一豫為諸侯度今也不然師行而

糧食飢者弗食勞者弗息悄悄胥譏民乃作慝

方命虐民飲食若流流連荒亡為諸侯憂從流

下而忘反謂之流從流上而忘反謂之連從獸

無厭謂之荒樂酒無厭謂之亡先王無流連之

樂荒亡之行惟君所行也景公說大戒於國出

舍於郊於是始興發補不足召大師曰為我作

雅



君臣相說之樂蓋徵招角招是也其詩曰畜君  
何尤畜君者好君也○齊宣王問曰人皆謂我

毀明堂毀諸已乎孟子對曰夫明堂者王者之  
堂也王欲行王政則勿毀之矣王曰王政可得

聞與對曰昔者文王之治岐也耕者九一仕者  
世祿關市譏而不征澤梁無禁罪人不孥老而

無妻曰鰥老而無夫曰寡老而無子曰獨幼而  
無父曰孤此四者天下之窮民而無告者文王

發政施仁必先斯四者詩云哿矣富人哀此

獨王曰善哉言乎曰王如善之則何為不行王  
曰寡人有疾寡人好貨對曰昔者公劉好貨詩

云乃積乃倉乃稟餼糧于橐于囊思戢用光弓  
矢斯張干戈戚揚爰方啓行故居者有積倉行

者有稟糧也然後可以爰方啓行王如好貨與  
百姓同之於王何有王曰寡人有疾寡人好色

對曰昔者太王好色愛厥妃詩云古公亶父來

子五



朝走馬率西水滸至于岐下爰及姜女聿來胥  
宇當是時也內無怨女外無曠夫王如好色與  
百姓同之於王何有○孟子謂齊宣王曰王之  
臣有託其妻子於其友而之楚遊者比其反也  
則凍餒其妻子則如之何王曰棄之曰士師不  
能治士則如之何王曰已之曰四境之內不治  
則如之何王顧左右而言他○孟子見齊宣王  
曰所謂故國者非謂有喬木之謂也有世臣之

謂也王無親臣矣昔者所進今日不知其亡也  
王曰吾何以識其不才而舍之曰國君進賢如  
不得已將使卑踰尊疏踰戚可不慎與左右皆  
曰賢未可也諸大夫皆曰賢未可也國人皆曰  
賢然後察之見賢焉然後用之左右皆曰不可  
勿聽諸大夫皆曰不可勿聽國人皆曰不可然  
後察之見不可焉然後去之左右皆曰可殺勿  
聽諸大夫皆曰可殺勿聽國人皆曰可殺然後



察之見可殺焉然後殺之故曰國人殺之也如

此然後可以為民父母○齊宣王問曰湯放桀

武王伐紂有諸孟子對曰於傳有之曰臣弑其

君可乎曰賊仁者謂之賊賊義者謂之殘殘賊

之人謂之一夫聞誅一夫紂矣未聞弑君也○孟

子見齊宣王曰為巨室則必使工師求大木工

師得大木則王喜以為能勝其任也匠人斲而

小之則王怒以為不勝其任矣夫夫人幼而學之

壯而欲行之王曰姑舍女所學而從我則何如

今有璞玉於此雖萬鎰必使玉人彫琢之至於

治國家則曰姑舍女所學而從我則何以異於

教玉人彫琢玉哉○齊人伐燕勝之宣王問曰

或謂寡人勿取或謂寡人取之以萬乘之國伐

萬乘之國五旬而舉之人力不至於此不取必

有天殃取之何如孟子對曰取之而燕民悅則

取之古之人有行之者武王是也取之而燕民



不悅則勿取古之人有行之者文主是也以萬

乘之國伐萬乘之國簞食壺漿以迎王師豈有

他哉避水火也如水益深如火益熱亦運而已

矣○齊人伐燕取之諸侯將謀救燕宣王曰諸

侯多謀伐寡人者何以待之孟子對曰臣聞七

十里為政於天下者湯是也未聞以千里畏入

者也書曰湯一征自葛始天下信之東面而征

也歸市者不止耕者不變誅其君而弔其民若

時雨降民大悅書曰後我后後來其蕪今燕虐

其民王往而征之民以為將拯已於水火之中

也簞食壺漿以迎王師若殺其父兄係累其子

弟毀其宗廟遷其重器如之何其可也天下固

畏齊之疆也今又倍地而不行仁政是動天下

之兵也王速出令反其旄倪止其重器謀於燕

眾置君而後去之則猶可及止也○鄒與魯閔



穆公問曰吾有司死者三十三人而民莫之死

也誅之則不可勝誅不誅則疾視其長上之死

而不救如之何則可也孟子對曰凶年饑歲君

之民老弱轉乎溝壑壯者散而之四方者幾千

人矣而君之倉廩實府庫充有司莫以告是上

慢而殘下也曾子曰戒之戒之出乎爾者反乎

爾者也夫民今而後得反之也君無尤焉君行

仁政斯民親其上死其長矣○滕文公問曰滕

小國也間於齊楚事齊乎事楚乎孟子對曰是

謀非吾所能及也無已則有一焉鑿斯池也築

斯城也與民守之效死而民弗去則是可為也

○滕文公問曰齊人將築薛吾甚恐如之何則

可孟子對曰昔者大王居邠狄人侵之去之岐

山之下居焉非擇而取之不得已也苟為善後

世子孫必有王者矣君子創業垂統為可繼也

若夫成功則天也君如彼何哉曠為善而已矣



○滕文公問曰滕小國也竭力以事大國則不

得免焉如之何則可孟子對曰昔者太王居邠

狄人侵之事之以皮幣不得免焉事之以犬馬

不得免焉事之以珠玉不得免焉乃屬其耆老

而告之曰狄人之所欲者吾土地也吾聞之也

君子不以其所以養人者害人二三子何患乎

無君我將去之去邠踰梁山邑於岐山之下居

焉邠人曰仁人也不可失也從之者如歸市或

曰世守也非身之所能為也效死勿去君請擇

於斯二者○晉平公將出嬖人臧倉者請曰他

日君出則必命有司所之今乘輿已駕矣有司

未知所之敢請公曰將見孟子曰何哉君所為

輕身以先於匹夫者以為賢乎禮義由賢者出

而孟子之後喪踰前喪君無見焉公曰諾樂正

子人見曰君奚為不見孟子曰或告寡人曰

孟子之後喪踰前喪是以不往見也曰何哉君

之



所謂踰者前以士後以大夫前以三鼎而後以五鼎與曰否謂棺槨衣衾之美也曰非所謂踰也貧富不同也樂正子見孟子曰克告於君君為來見也嬖人有臧倉者沮君君是以不果來也曰行或使之止或尼之行止非人所能也吾之不遇曾侯人也臧氏之子焉能使予不遇哉

公孫丑章句上

公孫丑問曰ハ予當路於齊ハ管仲晏子之功可

復許乎孟子曰ハ子誠齊人也知管仲晏子而已

矣或問乎曾西曰ハ吾子與子路孰賢曾西曰然

曰吾先予之所畏也曰然則吾子與管仲孰賢

曾西曰然不悅曰爾何曾比予於管仲管仲得

君如彼其專也行乎國政如彼其久也功烈如

彼其卑也爾何曾比予於是曰管仲曾西之所

不為也而予為我願之乎曰管仲以其君霸晏

子以其君顯管仲晏子猶不足為與曰以齊王



由反手也。曰：若是則弟子之惑滋甚。且以文王之德，百年而後崩，猶未洽於天下。武王周公繼之，然後大行。今言王若易然，則文王不足法，與曰：文王何可當也。由湯至於武丁，賢聖之君六七作，天下歸殷久矣，久則難變也。武丁朝諸侯有天下，猶運之掌上也。紂之去武丁未久也，其故家遺俗，流風政猶有存者。又有微子、微仲、王子比干、箕子、高皆賢人也，相與輔相之，故久而後失之也。失之也，人地莫非其有也。一民莫非其臣也。然而文王猶方百里起，是以難也。齊人有言曰：雖有智慧，小如乘勢；雖有鎡基，小如待時。今時則易然也。夏后殷周之盛，地未有過千里者也。而齊有其地矣。雞鳴狗吠相聞，而達乎四境，而齊有其民矣。地不改辟矣，民不改聚矣，行仁政而王，莫之能禦也。且王者之不作，未有疏於此時者也。民之憔悴於虐政，未有甚於此時者。

此時者也。民之憔悴於虐政，未有甚於此時者。



也。飢者易為食，渴者易為飲。孔子曰：德之流行，  
速於置郵而傳命。當今之時，萬乘之國行仁政，  
民之悅之，猶解倒懸也。故事半古之人，功必倍  
之。惟此時為然。○公孫丑問曰：夫子加齊之卿  
相，得行道焉，雖由此霸王，不異矣。如此，則動心  
否乎？孟子曰：我四十不動心。曰：若是則夫子  
過孟賁遠矣。曰：是不難。告子先我不動心，曰：不  
動心有道乎？曰：有。北宮黝之養勇也，不膚撓，不  
目逃，思以一毛挫於人，若撻之於市朝，不受於  
褐寬博，亦不以於萬乘之君。視刺萬乘之君，若  
刺褐夫，無嚴詔，侯惡聲至，必反之。孟施舍之所  
養勇也，曰：視不勝猶勝也。量敵而後進，慮勝而  
後會，是畏三軍者也。舍豈能為必勝哉？能無懼  
而已矣。孟施舍似曾子，北宮黝似子夏。夫一子  
之勇，未知其孰賢，然而孟施舍守約也。昔者曾  
子謂子襄曰：子好勇乎？吾嘗聞大勇於夫子矣。

子謂子襄曰子好勇乎吾嘗聞大勇於夫子矣

孟子

卷之五



自反而不縮雖褐寬博吾不憚焉自反而縮雖  
千萬人吾往矣孟施舍之守氣又不如曾子之  
守約也曰敢問夫子之不動心與告子之不動  
心可得聞與告子曰不得於言易求於心不得  
於心勿求於氣不得於心勿求於氣可不得於  
言勿求於心不可夫志氣之帥也氣體之充也  
夫志至焉氣次之焉故曰持其志無暴其氣既曰  
志至焉氣次之又曰持其志無暴其氣者何也

曰志壹則動氣氣壹則動志也今夫蹶者趨者  
是氣也而反翼其心敢問夫子惡乎長曰我知  
言我善養吾浩然之氣敢問何謂浩然之氣曰  
難言也其為氣也至大至剛以直養而無害則  
塞乎天地之間其為氣也配義與道無是餒也  
是集義所生者非義襲而取之也行有不慊於  
心則餒矣我故曰告子未嘗知義以其外之也  
必有事焉而勿正心勿忘勿助長也無若宋人



然宋人有閔其苗之不長而揠之者其苦甚然歸  
 謂其人曰今日病矣予助苗長矣其子趨而往  
 視之苗則槁矣天下之不助苗長者寡矣以為  
 無益而舍之者不耘苗者也助之長者揠苗者  
 也非徒無益而又害之何謂知言曰波辭知其  
 所蔽淫辭知其所陷邪辭知其所離遁辭知其  
 所窮生於其心害於其政發於其事  
 聖人復起必  
 此吾言矣宰我子貢善為說辭冉

牛閔子顏淵  
 則不能也然則夫子既聖矣乎曰惡是何言也  
 昔者子貢問於孔子曰夫子聖矣乎孔子曰聖  
 則吾不能我學不厭而教不倦也子貢曰學不  
 厭智也教不倦仁也仁且智夫子既聖矣夫聖  
 孔子不居是何言也昔者竊聞之子夏子游子  
 張皆有聖人之一體冉牛閔子顏淵則具體而  
 微敢問所安曰姑舍之曰伯夷伊尹何如曰不



同道非其君不事。非其民不使。治則進。亂則退。

伯夷也。何事非君。何使非民。治亦進。亂亦進。伊

尹也。可以仕則仕。可以止則止。可以久則久。可

以速則速。孔子也。皆古聖人也。吾未能有行焉。

乃所願則學孔子也。伯夷伊尹於孔子若。是班

乎。曰。否。自有之。民以來。未有孔子也。曰。然則有

同與。曰。有得。曰。里之地而君之。皆能以朝諸侯。

有天下。行一義。殺一不辜。而得天下。皆不為。

也是則同。曰。收問其所以異。曰。宰我子貢有若

智足以知聖。八汗不至。阿其所好。宰我曰。以予

觀於夫子。賢於堯舜遠矣。子貢曰。見其禮而知

其政。聞其樂而知其德。由百世之後。等百世之

王。莫之能違也。自生民以來。未有夫子也。有若

曰。豈惟民哉。麒麟之於走獸。鳳凰之於飛鳥。泰

山之於丘垤。河海之於行潦。類也。聖人之於民

亦類也。出於其類。拔乎其萃。自生民以來。未有

也。



盛於孔子也○孟子曰以力假仁者霸霸必有

大國以德行仁者王王不待大湯以七十里文

王以百里以力服人者非心服也力不贖也以

德服人者中心悅而誠服也如七十子之服孔

子也詩云自西自東自南自北無思不服此之

謂也○孟子曰仁則榮不仁則辱今惡辱而居

不仁是猶惡爵而居下也如惡之莫如貴德而

尊士賢者在位能者在職國家間暇及是時明

其政刑雖大○必畏之矣詩云迨天之未陰雨

徹彼桑土○網○牖戶今此下民或敢侮予孔子

曰爲此詩者其知道乎能治其國家誰敢侮之

今國家間暇及是時般樂怠敖是自求禍也禍

福無不自已求之者詩云永言配命自求多福

大甲曰天作孽猶可違自作孽不可活此之謂

也○孟子曰尊賢使能俊傑在位則天下之士

皆悅而願立於其朝矣市廛而不征法而不廛



則天下之商皆悅而願藏於其市矣。關譏而不  
 征。則天下之旅皆悅而願出於其路矣。耕者助  
 而不稅。則天下之農皆悅而願耕於其野矣。廩  
 無夫里之布。則天下之民皆悅而願為之氓矣。  
 信能行此五者。則鄰國之民仰之若父母矣。率  
 其子弟攻其父母。自生民以來。未有能濟者也。  
 如此。則無敵於天下者。夫吏也。然  
 而不王者。未  
 有也。○孟子曰。人皆有不忍人

之心。先王有不忍人之心。斯有不忍人之政矣。  
 以不忍人之心。行不忍人之政。治天下可運之  
 掌上。所以謂人皆有不忍人之心者。今人乍見  
 孺子將入於井。皆有怵惕惻隱之心。非所以內  
 交於孺子之父母也。非所以要譽於鄉黨朋友  
 也。非惡其聲而然也。由是觀之。無惻隱之心。非  
 人也。無羞惡之心。非人也。無辭讓之心。非人也。  
 無是非之心。非人也。惻隱之心。仁之端也。羞惡



之心義之端也辭讓之心禮之端也是非之心  
智之端也人之有是四端也猶其有四體也有  
是四端而自謂不能者自賊者也謂其君不能  
者賊其君者也凡有四端於我者知皆擴而充  
之矣若火之始然泉之始達苟能充之足以保  
四海苟不充之不足以事父母○孟子曰矢人  
豈不仁於函哉矢人惟恐不傷人函人惟恐  
傷人平匠亦故術不可不慎也孔子曰里仁

爲美擇不處安宅也莫之  
禮無義人役也人役而耻爲役由弓人而耻爲  
弓矢人而耻爲矢也如耻之莫如爲仁仁者如  
射射者正己而後發發而不中不怨勝己者反求  
諸己而已矣○孟子曰子路人告之以有過則  
喜禹聞善言則拜大舜有大焉善與人同舍己  
從人樂取於人以爲善自耕稼陶漁以至爲帝



無非取於人者取諸人以爲善是與人爲善者  
也故君子莫大乎與人爲善○孟子曰伯夷非

其君不事非其友不友不立於惡人之朝不與  
惡人言立於惡人朝與惡人言如以朝衣朝冠

坐於塗炭推惡惡之心思與鄉人立其冠不正  
望望然去之去將浼焉是故諸侯雖有善其辭

命而至者不立也不受也者是亦不屑就已柳  
下惠不羞汗衫不卑小官進不隱賢必以其道

遺佚而不怨窮而不憊故曰爾爲爾我爲我  
雖祖褐裸裎小我側爾焉能浼我哉故由由然

與之偕而不自失焉援而止之而止援而止之  
而止者是亦不屑去已孟子曰伯夷隘柳下惠

不恭隘與不恭君子不由也  
公孫丑章句下

孟子曰天時不如地利地利不如人和三里之  
城七里之郭環而攻之而不勝夫環而攻之必



有得天時者矣。然而不勝者，是天時不如地利也。城非不高也，池非不深也，兵革非不堅利也，米粟非不多也，委而去之，是地利不如人和也。故曰：域民不以封疆之界，固國不以山谿之險，威天下不以兵革之利。得道者多助，失道者寡助。寡助之至，天下順之；以天下之所順，親戚之所畔，故君子有不戰而天下之所順，親戚之所畔，故君子有不戰而必勝矣。

○孟子曰：將朝王，使人來曰：寡人如就見者也。有寒，然不可以同朝。將視朝，不識可使寡人得見乎？

到曰：不幸而有疾，不能造朝。明日出弔於東郭。公孫丑曰：首者辭以病，今日弔或者不可乎？曰：昔者疾，今日愈，如之何？不弔王使人問疾，醫來。孟仲子對曰：昔者有王命，有采薪之憂，不能造朝。今病小愈，趨造於朝，我不識能至否乎？使數人要於路，曰：請必無歸而造於朝，不得已而之。景丑氏宿焉。景子曰：內則父子。

見者也。有寒，然不可以同朝。將視朝，不識可使寡人得見乎？

到曰：不幸而有疾，不能造朝。明日出弔於東郭。公孫丑曰：首者辭以病，今日弔或者不可乎？曰：昔者疾，今日愈，如之何？不弔王使人問疾，醫來。孟仲子對曰：昔者有王命，有采薪之憂，不能造朝。今病小愈，趨造於朝，我不識能至否乎？使數人要於路，曰：請必無歸而造於朝，不得已而之。景丑氏宿焉。景子曰：內則父子。



外則君臣人之大倫也。父子主恩，君臣主敬。丑見王之敬子也，未見所以敬王也。曰：惡，是何言也。齊人無以仁義與王言者，豈以仁義爲不美也。其心曰：是何足與言仁義也。云爾，則不敬莫大乎。是我非堯舜之道，不敢以陳於王前。故齊人莫如我敬。也。景子曰：召非此之謂也。禮曰：父召無諾，君召不俟。懼固將朝也。聞王命而遂不果，宜與。八禮若不相似，然曰：豈謂是與曾

子曰：晉楚富，豈可及也。彼以其富，我以吾仁。彼以其爵，我以義。吾何慊乎哉。夫豈不義而曾子言之。是或一道也。天下有達尊三：爵一，齒一，德一。朝廷莫如爵，鄉黨莫如齒，輔世長民莫如德。惡得有其一以慢其二哉。故將大有爲之君，必有所不召之臣。欲有謀焉，則就之；其尊德樂道，不如是，不足與有爲也。故湯之於伊尹，學焉而後臣之；故不勞而王，桓公之於管仲，學焉而



後臣之故不勞而霸今天下地醜德齊莫能相  
尚無他好臣其所教而不好臣其所受教湯之  
於伊尹桓公之於管仲則不敢召管仲且猶不  
可召而況不爲管仲者乎  
陳臻問曰前日於  
齊王餽兼金一十百而不受公宋餽七十鎰而受  
於薛餽五十鎰而受前日  
不受是則今日之  
受非也今日之  
受是則前日之  
不受非也夫子  
必居一於此  
孟子曰皆  
走也當在宋也  
將  
有遠行行者必以贖辭曰  
餽贖予何爲不受當  
在薛也予有  
心辭曰聞  
戒故爲兵餽之予何  
爲不受若於齊則未有處  
也無處而餽之是貨  
之也焉有君子而可以皆  
取乎  
孟子之平陸  
謂其大夫曰子之持戟之士一  
日而三失伍則  
去之否乎曰不待三然則子之失伍也亦多矣  
凶年饑歲子之民老羸轉於溝壑壯者散而之  
四方者幾千人矣曰此非距心之所得爲也曰



今有受人之牛羊而爲之牧之者則必爲之求  
牧與芻矣求牧與芻而不得則反諸其人乎抑  
亦立而視其死與曰此則距心之罪也他日見  
於王曰王之爲都者臣知五人焉知其罪者惟  
孔距心爲王誦之王曰此則寡人之罪也○孟  
子謂蚘蠹曰子之辭靈丘而請士師似也爲其  
可以言也今以數月矣未可以言與蚘蠹諫於  
王而不用致臣而去齊人曰所以爲蚘蠹則

善矣所以自也則吾不知也公都子以告曰吾  
聞之也有官守者不得其職則去有言責者不  
得其言則去我無官守我無言責也則吾進退  
豈不綽綽然有餘裕哉○血子爲卿於齊出乎  
於滕王使蓋大夫王驩爲輔行王驩朝暮見友  
齊滕之路未嘗與之言行事也公孫丑曰齊卿  
之位不爲小矣齊滕之路不爲近矣反之而未  
嘗與言行事何也曰夫既或治之予何言哉○



孟子曰自齊葬於魯反於齊止於嬴充虞請曰前  
 日不知虞之不肖使虞敦匠事嚴虞不敢請今  
 願竊有請也木若以美然曰古者棺槨無度中  
 古棺七寸槨稱之自天子達於庶人非直為觀  
 美也然後盡於人心不得不可以為悅無財不  
 可以為悅得之為有財古之人皆用之吾何為  
 獨不然且比死者無使七親膚於人心獨無快  
 乎吾聞之也孔子不為天下儉其親○河同以

其私問曰燕可伐與孟子曰可子噲不得與人  
 燕子之不得受又燕於子噲有仕於此而子悅之  
 不告於王而私與之吾子人祿爵夫士也亦無  
 王命而私受之於子則可乎哉何以異於是齊  
 人伐燕或問曰勸齊伐燕有諸曰未也沉同問  
 燕可伐與吾應之曰可彼然而伐之也彼如曰  
 孰可以伐之則將應之曰為天吏則可以伐之  
 今有殺人者或問之曰人可殺與則將應之曰



可彼如曰孰可以殺之則將應之曰為士師則  
 可以殺之今以燕伐燕何為勸之哉○燕人畔  
 王曰吾甚慙於孟子陳賈曰王無患焉王自以  
 為與周公孰仁且智王曰惡是何言也曰周公  
 使管叔監殷管叔以殷畔知而使之是不仁也  
 不知而使之是不智也仁  
 况於王乎賈誦見而解之見孟子問曰周公何  
 人也曰古聖人也曰使管叔監殷管叔以殷畔

也。有諸曰然曰周公知也。將畔而使之也。曰不  
 知也。然則聖人且有過與。曰周公弟也。管叔兄  
 也。周公之過未亦宜乎。且古之君子過則改之。  
 今之君子過則順之。古之君子其過也如日月  
 之食。民皆見之。及其更也。民皆仰之。今之君子  
 豈徒順之。又從為之辭。○孟子致為臣而歸。王  
 就見孟子曰。前日願見而不可得。得待同朝。甚  
 喜。今又棄寡人而歸。不識可以繼此而得見乎。



對曰不敢請耳固所願也他日王謂時子曰我

欲中國而授孟子室養弟子以萬鍾使諸大夫

國人皆有所矜式子盍為我言之時子因陳子

而以告孟子陳子以時子之言告孟子孟子曰

然夫時子惡知其不可也如使予欲富辭十萬

而受萬是為欲富乎季孫曰異哉子叔疑使已

為政不用則亦已矣又使具子弟為鄉人亦孰

不欲富貴而獨於富貴之無者有司者之耳

為市者以其所有易其所無者有司者之耳

有賤丈夫焉必求龍斷而登之以左右望而罔

市利人皆以為賤故從而征之征商自此賤丈

夫始矣○孟子去齊宿於晝有欲為王留行者

坐而言不應隱几而卧客不悅曰弟子齊宿而

後敢言夫子卧而不聽請勿復敢見矣曰坐我

明語予昔者魯繆公無入乎子思之側則不能

安子思泄柳申詳無入乎繆公之側則不能安



其身子爲長者慮而不及子思子絕長者乎長  
者絕子乎○孟子去齊尹士語人曰不識王之  
不可以爲湯武則是不明也識其不可然且至  
則是于澤也千里而見王不遇故去三宿而後  
出晝是何濡滯也士則茲不悅高子以告曰夫  
尹士惡知予哉千里而見王是予所欲也不遇  
故去豈予所欲哉予不得也予三宿而出晝  
於予心猶以爲速王庶幾改之則必  
反予夫出晝而王不予治也予然後浩然有歸  
志予雖然豈舍王哉王由是用爲善王如用予  
則豈徒齊民安夫天下之民舉安王庶幾改之予  
日望之予豈若是小丈夫然哉諫於其君而不  
受則怒悻悻然見於其面去則窮日之力而後  
宿哉尹士聞之曰士誠小人也○孟子去齊充  
虞路問曰夫子若有不豫色然前日虞聞諸未  
子曰君子不怨天不尤人曰彼一時也

孟子

卷之



五百半必有王者興其間必有名世者由周而  
來七百有餘歲矣以其數則過矣以其時考之  
則可矣夫天未欲平治天下也如欲平治天下  
當今之世舍我其誰也吾何為不豫哉○孟子  
去齊居休公孫丑問曰仕而不受祿古之道乎  
曰非也於崇吾得見王退而有去志不欲變故  
不受也繼而有師命不可以請久於齊非我志  
也

滕文公章句上

滕文公為世子將之楚過宋而見孟子孟子道  
性善言必稱堯舜世子白楚反復見孟子孟子  
曰世子疑吾言乎夫道一而已矣成醜謂齊景  
公曰彼丈夫也我丈夫也吾何畏彼哉顏淵曰  
舜何人也予何人也有為者亦若是公明儀曰  
文王我師也周公豈欺我哉今滕絕長補短將  
五十里也猶可以為善國書曰若藥不瞑眩厥



疾不瘳○滕定公薨世子謂然友曰昔者孟子嘗與我言於宋於心終不忘今也不幸至於大故吾欲使子問於孟子然後行事然友之鄒問於孟子孟子曰不亦善哉親喪固所自盡也曾子曰生事之以禮死葬之以禮祭之以禮可謂孝矣諸侯之禮吾未之學也雖然吾嘗聞之矣三年之喪齊疏之服鮮食之食自天子達於庶人二代共之然友反命定為三年之喪公兄百

官皆不欲曰吾宗國曾生君莫之行吾生君亦莫之行也至於子之身而久之不可且志曰喪祭從先祖曰吾有所受之也謂然友曰吾他日未嘗學問好馳馬試劍今也父兄百官不我足也恐其不能盡於大事子為我問孟子然友復之鄒問孟子孟子曰然不可以他求者也孔子曰君薨聽於冢宰歆粥啣深墨即位而哭百官有司莫敢不哀先之也上有好者下必有甚焉



者矣君子之德風也小人之德草也草尚之風

必偃是在世子然有反命世子曰然是誠在我

五月居廬未有命戒百官族人可謂曰知及至

葬四方來觀之顏色之戚哭泣之哀弔者大悅

○滕文公問為國孟子曰民事不可緩也詩云

晝爾于茅宵爾索綯亟其架屋其始播百穀民

之為道也有恒產者有恒心無恒產者無恒心

苟無恒心放辟邪侈無所為已及陷乎罪然後

從而刑之是罔民也焉右仁人在位罔民而可

為也是故賢君必恭儉禮下取於民有制陽虎

曰為富不仁矣為仁不富矣夏后氏五十而貢

殷人七十而助周人百畝而徹其實皆什一也

徹者徹也助者藉也龍子曰治地莫善於助莫

不善於貢貢者校數歲之中以為常樂歲粒米

狼戾多取之而不為虐則寡取之凶年糞其田

而不足則必取盈焉為民父母使民盼盼然將



終歲勤動不得以養其父母又稱貸而益之使  
老稚轉乎溝壑惡在其為民父母也夫世祿勝  
固行之矣詩云雨我公田遂及我私惟助為有  
公田由此觀之雖周亦助也設為庠序學校以  
教之庠者養也校者教也序者射也夏曰校殷  
曰序周曰庠學則三代共  
人倫明於上小民親於下  
有王者起必來取法  
是為王者師也詩云周雖  
舊邦其命維新文王

之謂也子力行之亦以  
地孟子曰子之君將行仁  
勉之夫仁政必自經界始  
穀祿不平是故暴君汙  
正分田制祿可坐而定也夫滕壤地褊小將為  
君子焉將為野人焉無君子莫治野人無野人  
莫養君子請野九一而助國中什一使自賦卿  
以下有圭田圭田五十畝餘夫二十五畝死徒



無出鄉田同井出入相友守望相助疾病相  
 扶持則百姓親睦方里而井井九百畝其中為  
 公田八家皆私百畝同養公田公事畢然後敢  
 治私事所以別野人也此其大略也若夫潤澤  
 之則在君與子矣○有為裨農之言者許行自  
 楚之滕踵門而告文公曰邇方之人聞君行仁  
 政願受一廛而為氓文公與之處其徒數十人  
 皆衣褐捆履織席以為食陳良之徒陳相與其

弟辛負來和而自宋之滕曰聞君行聖人之政  
 是亦聖人也願為聖人氓陳相見許行而大悅  
 盡棄其學而學焉陳相曰孟子道許行之言曰  
 滕君則誠賢君也雖然未聞道也賢者與民並  
 耕而食饗殽而治今也滕有倉廩府庫則是厲  
 民而以自養也惡得賢孟子曰許子必種粟而  
 後食乎曰然許子必織布而後衣乎曰否許子  
 衣褐許子冠乎曰冠曰奚冠曰冠素曰自織之







注之江。然後中國可得而食也。當是時也，禹八年於外，三過其門而不入。雖欲耕，得乎？后稷教民稼穡，樹藝五穀，五穀熟而民人育。人之有道也，飽食煖衣，逸居而無教，則近於禽獸。聖人有憂之，使契為司徒，教以人倫。父子有親，君臣有義，夫婦有別，長幼有序，朋友相信。放勳曰：勞之來之，匡之直之，輔之翼之，使自得之，又從而振德之。聖人之憂民如此而昭耕乎？堯以不得舜為

已憂舜，以不得禹、皋陶為已憂夫。以百畝之不易為已憂者，農夫也。而分人以財謂之惠，教人以善謂之忠。為天下得人，有謂之仁。是故以天下與人易，為天下得人難。孔子曰：大哉堯之為君，惟天為大，惟堯為之蕩蕩乎！民無能名焉。君哉舜也，巍巍乎有天下而不與焉。堯舜之治天下，豈無所用其心哉？亦不用於耕耳。吾聞用夏變夷者，未聞變於夷者也。陳良，楚產也，悅周公



仲尼之道北學於中國北方之學者未能或之  
先也彼所謂豪傑之士也子之兄弟事之數十  
年師死而遂倍之昔者孔子沒三羊之外門人  
治任將歸入揖於子貢相嚮而哭皆失聲然後  
歸子貢反筵室於場獨居三羊然後歸他日子  
夏子張子游以有若似聖人欲以所事孔子事  
之彊曾子曾子曰不可江漢以濯之秋陽以暴  
之皤皤乎不可尚已今也南蠻馱舌之人非先

王之道子倍子之師而與之亦異於曾子矣吾  
聞出於幽谷遷于喬木者未聞下喬木而入於  
幽谷者曾頌曰戎狄是膺荆舒是懲周公方且  
膺之子是之學亦為不並變矣從許子之道則  
市賈不貳國中無偽雖使五尺之童適市莫之  
或欺布帛長短同則賈相若麻纒絲絮輕重同  
則賈相若五穀多寡同則賈相若屨大小同則  
賈相若曰夫物之不齊物之情也或相倍蓰或

子貢子

四十一



相付伯或相千萬子比而同之是亂天下也巨  
屨小屨同賈人豈爲之哉從許子之道相率而  
爲僞者也惡能治國家○墨者夷之因徐辟而  
求見孟子孟子曰吾固願見今吾尚病病愈我  
且往見夷子不來他日又求見孟子孟子曰吾  
今則可以見矣不直則道不見我且直之吾聞  
夷子墨者墨之治喪也以薄爲其道也夷子思  
以易天下豈以爲非是而不貴也然而夷子葬  
其親厚則是以所賤事親也徐子以告夷子夷  
子曰儒者之道古之人若保赤子此言何謂也  
之則以爲愛無差等施由親始徐子以告孟子  
孟子曰夫夷子信以爲人之親其兄之子爲若  
親其鄰之赤子乎彼有取爾也赤子匍匐將入  
井非赤子之罪也且天之生物也使之二本而  
夷子二本故也蓋上世嘗有不葬其親者其親  
死則舉而委之於壑他日過之狐狸食之蠅蚋

孟子卷之四

五



姑嘖之其類有泚。睨而不視夫泚也。非為人泚。中心達於面目。蓋歸反藁裡而掩之。掩之誠是也。則孝子仁人之掩其親亦必有道矣。徐子以告夷子。夷子憮然為問曰。命之矣。

滕文公章句下

陳代曰。不見諸侯。宜若小然。今一見之。大則以王。小則以霸。且志曰。枉尺而直尋。宜若可為也。孟子曰。昔齊景公田。招虞人以旌。不至。將殺之。

志士不忘在溝壑。勇士不忘喪其元。孔子奚取焉。取非其招不往也。如不待其招而往。何哉。且夫枉尺而直尋者。以利言也。如以利則枉尋直尺而利亦可為。與昔者趙簡子使王良與嬖奚乘。終日而不獲一禽。嬖奚反命曰。天下之賤工也。或以告王良。良曰。請復之。疆而後可。一朝而獲千禽。嬖奚反命曰。天下之良工也。簡子曰。我使掌與女乘。謂王良良不可。曰。吾為之範。我馳



スルハ驅終日不獲一エ爲之詭遇ハ一朝而獲十エ詩云不  
ク夫失其馳舍矢如破我不貫與小人乘請辭御者  
カ且羞與射者比比而得禽獸雖若丘陵弗爲也  
モ如狂道而從彼何也且子過矣在已者未有能  
チ直入者也○景春曰公孫衍張儀豈不誠太丈  
夫哉一怒而諸侯懼安居而天下熄孟子曰是  
焉得爲大丈夫乎子未學禮乎丈夫之冠也父  
命之女子之嫁也母命之往送之門戒之曰往  
之女家必敬必戒無違夫子以順爲正者妾婦  
之道也居天下之廣居立天下之正位行天下  
之大道得志與民由之不得志獨行其道富貴  
不能淫貧賤不能移威武不能屈此之謂大丈夫  
夫○周霄問曰古之君子仕乎孟子曰仕傳曰  
孔子三月無君則皇皇如也出疆必載質公明  
儀曰古之人三月無君則弔三月無君則弔不  
以急乎曰士之失位也猶諸侯之失國家也禮



曰諸侯耕助以供粢盛夫人蠶繅以為衣服犧  
牲不成粢盛不潔衣服不備不敢以祭惟士無  
田則亦不祭牲殺器皿衣服不備不敢以祭則  
不敢以宴亦不足弔乎出疆必載質何也曰士  
之仕也猶農夫之耕也農夫豈為出疆舍其來  
耜哉曰晉國亦仕國也未嘗聞仕如此其急仕  
如此其急也君子之難仕何也曰丈夫生而願  
為之有室女子生而願為之有家父母之心人  
皆有之不待父母之命媒妁之言鑽穴隙相窺  
踰牆相從則父母國人皆賤之古之人未嘗不  
欲仕也又惡不由其道而往者與鑽  
穴隙之類也○彭更問曰後車數十乘從者數  
百人以傳食於諸侯不以泰乎孟子曰非其道  
則一簞食不可受於人如其道則舜受堯之天  
下不以爲泰子以爲泰乎曰否士無事而食不  
可也曰子不通功易事以羨補不足則農有餘



栗女有餘布。子如通之。則梓匠輪輿皆得食於  
 子。於此有人焉。入則孝。出則悌。守先王之道。以  
 待後之學者。而不得食於子。子何尊梓匠輪輿  
 而輕為仁義者哉。曰。梓匠輪輿。其志將以求食  
 也。君子之為道也。其志亦將以求食與。曰。子何  
 以其志為哉。其有功於子。可食而食之矣。且子  
 食志乎。食功乎。曰。食志。曰。有人於此。毀瓦畫墁。  
 其志將以求食也。則子食之乎。曰。否。曰。然則子

非食志也。食功也。○萬章問曰。宋小國也。今將  
 行王政。齊楚惡而伐之。則如之何。孟子曰。湯居  
 亳。與葛為鄰。葛伯放而不祀。湯使人問之。曰。何  
 為不祀。曰。無以供犧牲也。湯使遺之牛羊。葛伯  
 食之。又不以祀。湯又使人問之。曰。何為不祀。曰。  
 無以供粢盛也。湯使亳眾往為之耕。老弱饋食。  
 葛伯卒其民。要其有酒食黍稻者。奪之不殺者。  
 殺之。有童子以黍肉餉殺而奪之。書曰。葛伯仇



餉此之謂也。爲其殺是童子而征之四海之內。  
皆曰：「非富天下也，爲匹夫匹婦復讎也。」湯始征，  
自葛載十一年，征而無敵於天下。東面而征，西夷  
怨；南面而征，北狄怨。白義爲後，我民之望之。若  
太旱之望雨也。歸市者弗止，芸者不變。誅其君  
弔其民。如時雨降，民大悅。書曰：「侯我后，后來其  
無罰，有攸不爲。」臣東征，綴厥士女，匪厥玄黃。紹  
我周主，見休。惟臣附于大邑周，其君子實玄黃  
于匪，以迎其君子。其小人簞食壺漿以迎其小  
人。救民於水火之中，取其殘而已矣。大誓曰：「我  
武惟揚，侵于之疆，則取于殘殺伐，用張于湯。有  
光不行，王政云爾。苟行王政，四海之內皆舉首  
而望之，欲以爲君。齊楚雖大，何畏焉？」○孟子謂  
載不勝曰：「予欲子之王之善，與我明告子，有楚  
大夫於此，欲其子之齊語也，則使齊人傳諸使  
楚人傳諸曰：『使齊人傳之。』曰：『一齊人傳之，衆楚

カニヒミコト  
イフナリ  
コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ

コトカゴノドウ  
シラ  
サイス  
レカイノ  
ウチ







之雞者或告之曰是非君子之道曰請損之月  
攘一雞以待來年然後已如知其非義斯速已  
矣何待來年○公都子曰外人皆稱夫子好辯  
敢問何也孟子曰予豈好辯哉予不得已也天  
下之生久矣一治一亂當堯之時水逆行汜濫  
於中國蛇龍居之民無所定下者爲巢上者爲  
營窟書曰洪水警余洪水者洪水也使禹治之  
禹掘地而注之海驅蛇龍而放之菹水由地中  
行江淮河漢是也險阻既遠鳥獸之害人者消  
然後人得平土而居之堯舜既沒聖人之道衰  
暴君代作壞宮室以爲汙池民無所安息棄田  
以爲園囿使民不得衣食邪說暴行又作園囿  
汙池沛澤多而禽獸至及紂之身天下又大亂  
周公相武王誅紂伐奄三率討其君驅飛廉於  
海隅而戮之滅國者五十驅虎豹犀象而遠之  
天下大悅書曰丕顯哉文王謨丕承哉武王烈



佑啓我後人咸以正無缺世衰道微邪說暴行  
有作臣弑其君者有之子弑其父者有之孔子  
懼作春秋春秋天子之事也是故孔子曰知我  
者其惟春秋乎罪我者其惟春秋乎聖王不作  
諸侯放恣處士橫議楊朱墨翟之言盈天下天  
下之言不歸楊則歸墨楊氏爲我是無君也墨  
氏兼愛是無父也無父無君是禽獸也公明儀  
曰庖有肥肉廄有肥馬民有飢色野有餓殍此  
率獸而食人也楊墨之道不息孔子之道不著  
是邪說誣民充塞仁義也仁義充塞則率獸食  
人將相食吾爲此懼閑先聖之道距楊墨放  
淫辭邪說者不得作作於其心害於其事作於  
其事害於其政聖人復起不易吾言矣昔者禹  
抑洪水而天下平周公兼夷狄驅猛獸而百姓  
寧孔子成春秋而亂臣賊子懼詩云戎狄是膺  
荆舒是懲則莫我敢承無父無君是周公所膺



也我亦欲正人心息邪說距詖行放淫辭以承  
三聖者豈好辯哉予不得已也能言距楊墨者  
聖人之徒也○匡章曰陳仲子豈不誠廉士哉  
居於陵三日不食耳無聞目無見也井上有李  
蠶食實者過半矣匍匐往將食之三咽然後耳  
有聞目有見孟子曰於齊國之士吾必以仲子  
爲巨擘焉雖然仲子惡能廉充仲子之操則蚓  
而後可者也夫蚓上食槁壤下飲黃泉仲子所  
居之室伯夷之所築與抑亦盜跖之所築與所  
食之粟伯夷之所樹與抑亦盜跖之所樹與是  
未可知也曰是何傷哉彼身織屨妻辟纊以易  
之也曰仲子齊之世家也兄戴蓋祿萬鍾以兄  
之祿爲不義之祿而不食也以兄之室爲不義  
之室而不居也辟兄離母處於陵他日歸則有  
饋其兄生鵝者已頰頰曰惡用是駝駝者爲哉  
他日其母殺是鵝也與之食之其兄自外至曰



是鮠鮠之肉也出而嗟之以母則不食以妻則食之以兄之室則弗居以於陵則居之是尚為能充其類也乎若仲子者蚓而後充其操者也

離婁章句上

孟子曰離婁之明公輸子之巧不以規矩不能成方員師曠之聰不以六律不能正五音堯舜之道不以仁政不能平治天下今有仁心仁聞而民不被其澤不可法於後世者不行先王之

道也故曰徒善不足以為政徒法不能以自行詩云不愆不忘率由舊章遵先王之法而過者未之有也聖人既竭目力焉繼之以規矩準繩以為方員平直不可勝用也既竭耳力焉繼之以六律正五音不可勝用也既竭心思焉繼之以不忍人之政而仁覆天下矣故曰為高必因丘陵為下必因川澤為政不因先王之道可謂智乎是以惟仁者宜在高位不仁而在高位是



播其惡於衆也。上無道揆也。下無法守也。朝不  
信道。工不信度。君子犯義。小人犯刑。國之所存  
者幸也。故曰城郭不完。兵甲不多。非國之災也。  
田野不辟。貨財不聚。非國之害也。上無禮。下無  
學。賊民興喪。無日矣。詩曰：天之方蹶，無然泄泄。  
泄泄猶沓沓也。事君無義，進退無禮，言則非先  
王之道者，猶沓沓也。故曰責難於君，謂之恭。陳  
善閉邪謂之敬。吾君不能謂之賊。○孟子曰：規  
矩方員之至也。聖人倫之至也。欲爲君盡君  
道，欲爲臣盡臣道，二者皆法堯舜而已矣。不以  
舜之所以事堯事君，不敬其君者也。不以堯之  
所以治民治民，賊其民者也。孔子曰：道二，仁與  
不仁而已矣。暴其民甚，則身弑國亡，不甚則身  
危國削。名之曰幽厲。雖孝子慈孫，百世不能改  
也。詩云：殷鑒不遠，在夏后之世。此之謂也。○孟  
子曰：三代之得天下也以仁，其失天下也以不



仁國之所以廢興存亡者亦然天子不仁不保  
四海諸侯不仁不保社稷卿大夫不仁不保宗  
廟士庶人不仁不保四體今惡死亡而樂不仁  
是猶惡醉而強酒○孟子曰愛人不親及其仁  
治人不治反其智禮人不答反其敬行有不  
得者皆反求諸己其身正而天下歸之詩云永言  
配命自求多福○孟子曰人有恒言皆曰天下  
國家天下之本在國國之本在家家之本在身

○孟子曰為政不難不得罪於巨室巨室之所  
慕一國慕之○國之所慕天下慕之故沛然德  
教溢乎四海○孟子曰天下有道小德役大德  
小賢役大賢天下無道小役大弱役強斯二者  
天也順天者存逆天者亡齊景公曰既不能令  
又不受命是絕物也涕出而女於吳今也小國  
師大國而耻受命焉是猶弟子而耻受命於先  
師也如耻之莫若師文王師文王太國五等小

孟子

卷之



國七羊。必爲政於天下矣。詩云：商之孫子，其麗不億。上帝既命，侯于周服。侯服于周，天命靡常。殷士膚敏，裸將于京。孔子曰：仁不可爲衆也。夫國君好仁，天下無敵。今也欲無敵於天下，而不以仁，是猶執熱而不以濯也。詩云：誰能執熱，逝不以濯。○孟子曰：不仁者可與言哉？安其危而利其菑，樂其所以亡者，不仁而可與言，則何亡國敗家之有？有孺子歌曰：滄浪之水清兮，可以濯我纓。滄浪之水濁兮，可以濯我足。孔子曰：小子聽之，清斯濯纓，濁斯濯足矣。自取之也。夫人必自侮，然後人侮之。家必自毀，而後人毀之。國必自伐，而後人伐之。太甲曰：天作孽，猶可違，自作孽，不可活。此之謂也。○孟子曰：桀紂之失天下也，失其民也；失其民者，失其心也。得天下有道，得其民，斯得天下矣；得其心者，斯得其民矣。得其心有道，所欲與之聚之，所惡勿施

得民矣。得其心有道，所欲與之聚之，所惡勿施。

得民矣。得其心有道，所欲與之聚之，所惡勿施。

得民矣。得其心有道，所欲與之聚之，所惡勿施。

得民矣。得其心有道，所欲與之聚之，所惡勿施。

得民矣。得其心有道，所欲與之聚之，所惡勿施。

得民矣。得其心有道，所欲與之聚之，所惡勿施。



爾也。民之歸仁也猶水之就下。獸之走壙也。故

為淵。鰍魚者。鰍也。為叢。鵙者。鷓也。為湯。武。岐

民者。桀與紂也。今天下之君有好仁者。則諸侯

皆為之。敵矣。雖欲無王。不可得已。今之欲王者。

猶七羊之病。求三羊之艾也。苟為不畜。終身不

得。苟不志於仁。終身憂辱。以陷於死亡。詩云。其

何能淑。載胥及溺。此之謂也。○孟子曰。自暴者

不可與有言也。自棄者不可與有為也。言非禮

義謂之自暴也。吾身不能居仁由義。謂之自棄

也。仁。人之安宅也。義。人之正路也。曠安宅而弗

居。舍正路而不由。哀哉。○孟子曰。道在爾而求

諸遠事。在易而求諸難。人人親其親。長其長。而

天下平。○孟子曰。居下位而不獲於上。民不可

得而治矣。獲於上有道。不信於友。弗獲於上矣。

信於友有道。事親弗悅。弗信於友矣。悅親有道。

反身不誠。不悅於親矣。誠身有道。不明乎善。不







瞭焉旬中不正則眸子眊焉聽其言也觀其眸子

子人焉廋哉○孟子曰恭者不侮人儉者不奪

入侮奪人之君惟恐不順焉惡得為恭儉恭儉

豈可以聲音笑貌為哉○淳于髡曰男女授受

不親禮與孟子曰禮也曰嫂溺則援之以手乎

曰嫂溺不援是豺狼也男女授受不親禮也嫂

溺援之以手者權也曰今天下溺矣夫子之不

援何也曰天下溺援之以道嫂溺援之以手子

欲手援天下乎○公孫丑曰君子之不教子何

也孟子曰勢不行也教者必以正以正不行繼之

以怒繼之以怒則反夷矣夫子教我以正夫子未

出於正也則是父子相夷也父子相夷則惡矣

古者易子而教之父子之間不責善責善則離

離則不祥莫大焉○孟子曰事孰為大親為

大守孰為大守身為大不失其身而能事其親

者吾聞之矣失其身而能事其親者吾未之聞



也孰不為事事親事之本也孰不為守身守  
 之本也曾子養曾皙必有酒肉將徹必請所與  
 問有餘必曰有曾皙死曾元養曾子必有酒肉  
 將徹不請所與問有餘曰亡矣將以復進也此  
 所謂養口體者也若曾子則可謂養志也事親  
 若曾子者可也○孟子曰人不足與適也政不  
 定問也惟大人為能格君心之非君仁莫不仁  
 君義莫不義君正莫不正一正君而國定矣○

孟子曰有不虞之譽有求全之毀○孟子曰人  
 之易其言也無責耳矣○孟子曰人之患在好  
 為人師○樂正子從於子敖之齋樂正子見孟  
 子孟子曰子亦來見我乎曰先生何為出此言  
 也曰子來幾日矣曰昔者曰昔者則我出此言  
 也不亦宜乎曰舍館未定曰子聞之也舍館定  
 然後求見長者乎曰克有罪○孟子謂樂正子  
 曰子之從於子敖來徒舖啜也我不意子學古



之道而以鋪啜也○孟子曰不孝有三無後為

大舜不告而娶為無後也君子以為猶告也○

孟子曰仁之實事親是也義之實從兄是也智

之實知斯二者弗去是也禮之實節文斯二者

是也樂之實樂斯二者樂則生矣生則惡可已

也惡可已則不知足之路手之舞之○孟子曰

天下大悅而將歸已視天下悅而歸已猶草芥

也惟舜為然不得乎親不可以為人  
不順乎親

不可以為子舜盡事親之道而瞽瞍底豫瞽瞍

底豫而天下化瞽瞍底豫而天下之為父子者

定此之謂大孝

離婁章句下

孟子曰舜生於諸馮遷於負夏卒於鳴條東夷

之人也文王生於岐周卒於畢郢西夷之人也

地之相去也千有餘里世之相後也千有餘歲

得志行乎中國若合符節先聖後聖其揆一也



孟子卷之六 梁惠篇下 第六

○子產聽鄭國之政以其乘輿濟人於溱洧孟

子曰惠而不知為政歲十一月徒柱成十二月

輿梁成民未病涉也君子平其政行辟人可也

焉得人人而濟之故為政者每人而悅之日亦

不足矣○孟子告齊宣王曰君之視臣如手足

則臣視君如腹心君之視臣如犬馬則臣視君

如國人君之視臣如土芥則臣視君如寇讎王

曰禮為舊君有服何如斯可為服矣曰諫行言

聽膏澤下於民有故而去則君使人導之出疆

又先於其所往去三年不反然後收其田里此

之謂三有禮焉如此則為之服矣今也為臣諫

則不行言則不聽膏澤不下於民有故而去則

君搏執之又極之於其所往去之日遂收其田

里此之謂寇讎寇讎何服之有○孟子曰無罪

而殺士則大夫可以去無罪而戮民則士可以

徙○孟子曰君仁莫不仁君義莫不義○孟子

曰君之視臣如手足則臣視君如腹心君之視臣如犬馬則臣視君如國人君之視臣如土芥則臣視君如寇讎



曰。非禮之禮。非義之義。大人弗爲。○孟子曰。中

也。養不中才也。養不才。故人樂有賢父兄也。如

中也。棄不中才也。棄不才。則賢不肖之相去其

間不能以寸。○孟子曰。人有不爲也。而後可以

有爲。○孟子曰。言人之不善。當如後患何。○孟

子曰。仲尼不爲已甚者。○孟子曰。大人者。言不

必信。行不必果。惟義所在。○孟子曰。大人者。不

失其赤子之心者也。○孟子曰。養生者。不足以當

大事。惟送死可以當大事。○孟子曰。君子深造

之以道。欲其自得之也。自得之。則居之安。居之

安。則資之深。資之深。則取之左右逢其原。故君

子欲其自得之也。○孟子曰。博學而詳說之。將

以反說約也。○孟子曰。以善服人者。未有能服

入者也。以善養人。然後能服天下。天下不心服

而王者未之有也。○孟子曰。言無實。不祥。不祥

之實。蔽賢者當之。○徐子曰。仲尼亟稱於水曰。



水哉水哉何取於水也。孟子曰：原泉混混，不舍  
晝夜，盈科而後進，放乎四海。有本者如是，是之  
取爾。苟爲無本，七八月之間，雨集，溝澮皆盈，其  
涸也可立而待也。故聲聞過情，君子耻之。○孟  
子曰：人之所以異於禽獸者，幾希。庶民去之，君  
子存之。舜明於庶物，察於人倫，由仁義行，非行  
仁義也。○孟子曰：禹惡旨酒而好善言，湯執中  
立賢無方，文王視民如傷，望道而未之見，武王  
不泄邇，不忘遠，周公思兼三王，以施四事，其有  
不合者，仰而思之，夜以繼日，幸而得之，坐以待  
旦。○孟子曰：王者之迹熄而詩亡，詩亡然後春  
秋作。晉之乘，楚之檮杌，魯之春秋，一也。其事則  
齊桓晉文，其文則史。孔子曰：其義則丘竊取之  
矣。○孟子曰：君子之澤，五世而斬；小人之澤，五  
世而斬。予未得爲孔子徒也，予私淑諸人也。○  
孟子曰：可以取，可以無取，取傷廉；可以與，可以

孟子卷之四

七



ホウバウ  
逢蒙

無與與傷惠可以死可以無死死傷勇○逢蒙

學射於羿盡羿之道思天下惟羿為愈已於是

殺羿孟子曰是亦羿有罪焉公明儀曰宜若無

罪焉曰薄乎云爾惡得無罪鄭人使子濯孺子

侵衛衛使庾公之斯追之子濯孺子曰今日我

疾作不可以執弓吾死矣夫問其僕曰追我者

誰也其僕曰庾公之斯也曰吾生矣其僕曰庾

公之斯衛之善射者也夫子曰吾生何謂也曰

庾公之斯學射於尹公之他尹公之他學射於

我夫尹公之他端人也其取友必端矣庾公之

斯至曰夫子何為不執弓曰今日我疾作不可

以執弓曰小人學射於尹公之他尹公之他學

射於夫子我不忍以夫子之道反害夫子雖然

今日之事君事也我不敢廢抽矢扣輪去其金

發乘矢而後反○孟子曰西子蒙不潔則人皆

掩鼻而過之雖有惡人齊戒沐浴則可以祀上



帝○孟子曰天下之言性也則故而已矣故者  
 以利爲本所惡於智者爲其鑿也如智者若禹  
 之行水也則無惡於智矣禹之行水也行其所  
 無事也如智者亦行其所無事則智亦大矣天  
 之高也星辰之遠也苟求其故千歲之日至可  
 坐而致也○公行子有子之喪右師往弔入門  
 有進而與右師言者有就右師之位而與右師  
 言者孟子不與右師言右師不悅曰諸君子皆

與驩言孟子獨不與驩言是簡驩也孟子聞之  
 曰禮朝廷不歷位而相與言不踰階而相揖也  
 我欲行禮子敖以我爲簡不亦異乎○孟子曰  
 君子所以異於人者以其存心也君子以仁存  
 心以禮存心仁者愛人有禮者敬人愛人者人  
 恒愛之敬人者人恒敬之有人於此其待我以  
 橫逆則君子必自反也我必不仁也必無禮也  
 此物奚宜至哉其自反而仁矣自反而有禮矣



其橫逆由是也君子必自反也我必不忠自反而忠矣其橫逆由是也君子曰此亦妄人也已矣如是則與禽獸奚擇哉於禽獸又何難焉是故君子有終身之憂無一朝之患也乃若所憂則有之舜人也我亦人也舜為法於天下可傳於後世我由未免為鄉人也。是則可憂也。憂之如何如舜而已矣。若夫君子所患則亡矣。非仁無為也。非禮無行也。如有<sub>一</sub>朝之患則君子不

患矣。禹稷當平世三過其門而不入。孔子賢之。顏子當亂世居於陋巷。一簞食。一瓢飲。人不堪其憂。顏子不改其樂。孔子賢之。孟子曰。禹稷顏回同道。禹思天下有溺者由已溺之也。稷思天下有飢者由已飢之也。是以如是其急也。禹稷顏子易地則皆然。今有同室之人鬪者。救之雖被髮纓冠而救之可也。鄉鄰有鬪者。被髮纓冠而往救之則惑也。雖閉戶可也。○公都子曰。



匡章通國皆稱不孝焉夫子與之遊又從而禮  
貌之敢問何也孟子曰世俗所謂不孝者五惰  
其四支不顧父母之養一不孝也博奕好飲酒  
不顧父母之養二不孝也好貨財私妻子不顧  
父母之養三不孝也從耳目之欲以為父母戮  
四不孝也好勇鬪狠以危父母五不孝也章子  
有一於是乎夫章子子父責善而不相遇也責  
善朋友之道也父子責善賊恩之大者夫章子  
豈不欲有夫妻子母之屬哉為得罪於父不得  
近出妻屏子終身不養焉其設心以為不若是  
是則罪之大者是則章子已矣○曾子居武城  
有越寇或曰寇至盍去諸曰無寓入於我室毀  
傷其薪木寇退則曰修我牆屋我將又寇退曾  
子反左右曰待先生如此其忠且敬也寇至則  
先去以為民望寇退則反殆於不可沈猶行曰  
是非汝所知也昔沈猶有負芻之禍從先生者



七十人未有與焉子思居於衛有齊寇或曰寇

至盍去諸子思曰如彼去君誰與守孟子曰曾

子子思同道曾子師也父兄也子思臣也微也

曾子子思易地則皆然○儲子曰王使人問夫

子果有以異於人乎孟子曰何以異於人哉堯

舜與人同耳○齊人有下妻下妾而處室者其

良人出則必饜酒肉而後反其妻問所與飲食

者則盡富貴也其妻告其妾曰良人出則必饜

酒肉而後反問其與飲食者盡富貴也而未嘗

有顯者來吾將矐良人之所之也蚤起施從良

人之所之徧國中無與立談者卒之東郭墻間

之祭者乞其餘不足又顧而之他此其為饜足

之道也其妻歸告其妾曰良人者所仰望而終

身也今若此與其妾訕其良人而相泣於中庭

而良人未之知也施施從外來驕其妻妾由君

子觀之則人之所以求富貴利達者其妻妾不



羞也而不相泣者幾希矣

萬章章句上

萬章問曰舜往于田號泣于旻夫何為其號泣也孟子曰怨慕也萬章曰父母愛之喜而不忘父母惡之勞而不怨然則舜怨乎曰長息問於公明高曰舜往于田則吾既得聞命矣號泣于旻夫于父母則吾不知也公明高曰是非爾所知也夫公明高以孝子之心為不若是慙我竭

力耕田共為子職而已矣父母之不我愛於我何哉帝使其子九男二女百官牛羊倉廩備以事舜於畎畝之中天下之士多就之者帝將胥天下而遷之焉為不順於父母如窮人無所歸天下之士悅之人之所欲也而不足以解憂好色人之所欲妻帝之二女而不足以解憂富人

之所欲富有天下而不足以解憂貴人之所欲貴為天子而不足以解憂人悅之好色富貴無



足以解憂者惟順於父母可以解憂人少則慕  
 父母知好色則慕少艾有妻子則慕妻子仕則  
 慕君不得於君則熱中太孝終身慕父母五十  
 而慕者予於太舜見之矣○萬章問曰詩云娶  
 妻如之何必告父母信斯言也宜莫如舜舜之  
 不告而娶何也孟子曰告則不得娶男女居室  
 人之大倫也如告則廢人之大倫以對父母是  
 以不告也萬章曰舜之不告而娶則吾既得聞

命矣帝之妻舜而不告何也曰帝亦知告焉則  
 不得妻也萬章曰父母使舜完廩捐階瞽瞍焚  
 廩使浚井出從而榜之象曰謨蓋都君咸我績  
 牛羊父母倉廩父母于戈朕琴朕張朕一嫂使  
 治朕棲象往入舜宮舜在牀琴象曰鬱陶思君  
 爾忸怩舜曰惟茲臣庶汝其予治不識舜不  
 知象之將殺已與曰奚而不知也象憂亦憂象  
 喜亦喜曰然則舜偽喜者與曰否昔者有饋生



魚於鄭子產子產使校人畜之池校人烹之反  
命曰始舍之圍圍焉少則洋洋焉悠然而逝子  
產曰得其所哉得其所哉校人出曰孰謂子產  
智予既烹而食之曰得其所哉得其所哉故君  
子可欺以其方難罔以非其道彼以愛兒之道  
來故誠信而喜之奚偽焉○萬章問曰象日以  
殺舜為事立為天子則放之何也孟子曰封之  
也或曰放焉萬章曰舜流共工于幽州放驩兜  
于崇山殺三苗于三危殛鯀于羽山四罪而天  
下咸服誅不仁也象至不仁封之有痺有痺之  
人奚罪焉仁人固如是乎在他人則誅之在弟  
則封之曰仁人之於弟也不藏怒焉不宿怨焉  
親愛之而已矣親之欲其貴也愛之欲其富也  
封之有痺富貴之也身為天子弟為匹夫可謂  
親愛之乎敢問或曰放者何謂也曰象不得有  
為於其國天子使吏治其國而納其貢稅焉故

孟子

卷之五



謂之放豈得暴彼民哉雖然欲常常而見之故  
源源而來不及貢以政接于有痺此之謂也○

咸丘蒙問曰語云盛德之士君不得而臣父不  
得而子舜南面而立堯帥諸侯北面而朝之瞽

瞍亦北面而朝之舜見瞽瞍其容有蹙孔子曰  
於斯時也夫天下殆哉歲歲乎不識此語誠然乎

哉孟子曰否此非君子之言齊東野人之語也  
堯老而舜攝也堯典曰二十有八載放勳乃徂

落百姓如喪考妣三年四海遏密八音孔子曰  
天無二日民無二王舜既為天子矣又帥天下

諸侯以為堯三年喪是二天子矣咸丘蒙曰舜  
之不臣堯則吾既得聞命矣詩云普夫之下莫

非王土率土之濱莫非王臣而舜既為天子矣  
敢問瞽瞍之非臣如何曰是詩也非是之謂也

勞於王事而不得養父母也曰此莫非王事我  
獨賢勞也故說詩者不以文害辭不以辭害志



以意逆志是為得之如以辭而已矣云漢之詩  
曰周餘黎民靡有孑遺信斯言也是周無遺民  
也孝子之至莫大乎尊親尊親之至莫大乎以  
天下養為天子父尊之至也以天下養養之至  
也詩曰永言孝思孝思維則此之謂也矣書曰  
祇載見瞽瞍夔夔齊栗瞽瞍亦允若是為父不  
得而子也○萬章曰堯以天下與舜有諸孟子  
曰否天子不能以天下與人然則舜有天下也  
孰與之曰天與之天與之者諄諄然命之乎曰  
否天不言以行與事示之而已矣曰以行與事  
示之者如之何曰天子能薦人於天不能使天  
與之天下諸侯能薦人於天子不能使天子與  
之諸侯大夫能薦人於諸侯不能使諸侯與之  
大夫昔者堯薦舜於天而天受之暴之於民而  
民受之故曰天不言以行與事示之而已矣曰  
敢問薦之於天而天受之暴之於民而民受之



如何曰使之主祭而百神享之是天受之使之  
主事而事治百姓安之是民受之也天與之人  
與之故曰天子不能以天下與人舜相堯二十  
有八載非人之所能爲也夫也堯崩三年之喪  
畢舜避堯之子於南河之南天下諸侯朝覲者  
不之堯之子而之舜訟獄者不之堯之子而之  
舜謳歌者不謳歌堯之子而謳歌舜故曰天也  
夫然後之中國踐天子位焉而居堯之宮逼堯  
之子是篡也非天與也太誓曰天視自我民視  
天聽自我民聽此之謂也○萬章問曰人有言  
至於禹而德衰不傳於賢而傳於子有諸孟子  
曰否不然也天與賢則與賢天與子則與子昔  
者舜薦禹於天十有七年舜崩三年之喪畢禹  
避舜之子於陽城天下之民從之若堯崩之後  
不從堯之子而從舜也禹薦益於天七年禹崩  
三年之喪畢益避禹之子於箕山之陰朝覲訟



獄者不之益而之啓。曰吾君之子也。謳歌者不  
謳歌益而謳歌啓。曰吾君之子也。丹朱之不肖  
舜之子亦不肖。舜之相堯禹之相舜也。歷年多  
施澤於民久。啓賢能敬承繼禹之道。益之相禹  
也。歷年少。施澤於民未久。舜禹益相去久遠。其  
子之賢不肖皆天也。非人之所能爲也。莫之爲  
而爲者。夫也。莫之致而至者。命也。匹夫而有天  
下者。德必若舜禹。而又有天子薦之者。故仲尼  
不有天下。繼世以有天下。天之所廢必若桀紂  
者也。故益伊尹周公不有天下。伊尹相湯以王  
於天下。湯崩太丁未立。外丙二年。仲壬四年。太  
甲顛覆湯之典刑。伊尹放之於桐。三年太甲悔  
過。自怨自艾。於桐處仁遷義。三年以聽伊尹之  
訓。已也。復歸于亳。周公之不有天下。猶益之於  
夏。伊尹之於殷也。孔子曰。唐虞禪夏。夏后殷周繼  
其義一也。○萬章問曰。人有言伊尹以割烹要



湯有諸孟子曰否不然伊尹耕於有莘之野而

樂堯舜之道焉非其義也非其道也祿之以天

下弗顧也繫馬千駟弗視也非其義也非其道

也。一介不以與人。一介不以取諸人。湯使人以

幣聘之。囂也然曰我何以湯之聘幣為哉我豈

若處畎畝之中由是以樂堯舜之道哉湯三使

往聘之既而幡然改曰與我處畎畝之中由是

以樂堯舜之道吾豈若使是君為堯舜之君哉

吾豈若使是民為堯舜之民哉吾豈若於吾身

親見之哉天之生此民也使先知覺後知使先

覺覺後覺也予天民之先覺者也予將以斯道

覺斯民也非予覺之而誰也思天下之民匹夫

匹婦有不被堯舜之澤者若已推而內之溝中

其自任以天下之重如此故就湯而說之以伐

夏救民吾未聞枉已而正人者也況辱已以正

天下者乎聖人之行不同也或遠或近或去或



不去歸潔其身而已矣レ吾聞其以堯舜之道要

湯未聞以割烹也伊訓曰天誅造攻自牧宮朕

戴自毫○萬章問曰或謂孔子於衛主癰疽於

齊主侍人瘠環有諸乎孟子曰否不然也好事

者為之也於衛主顏雝由彌子之妻與子路之

妻兄弟也彌子謂子路曰孔子主我衛卿可得

也子路以告孔子曰有命孔子進以禮退以義

得之不得曰有命而主癰疽與侍人瘠環是無

義無命也孔子不悅於曾衛遭宋桓司馬將要

而殺之微服而過宋是時孔子當阮主司城貞

子為陳侯周臣吾聞觀近臣以其所為主觀遠

臣以其所主若孔子主癰疽與侍人瘠環何以

為孔子○萬章問曰或曰百里奚自鬻於秦養

牲者五羊之皮食牛以要秦穆公信乎孟子曰

否不然好事者為之也百里奚虞人也晉人以

垂棘之璧與屈產之乘假道於虞以伐虢宮之



寄諫百里奚不諫知虞公之不可諫而去之秦  
年七十矣曾不知以食牛于秦穆公之爲汙也  
可謂智乎不可諫而不諫可謂不智乎知虞公  
之將亡而先去之不可謂不智也時舉於秦知  
穆公之可與有行也而相之可謂不智乎相秦  
而顯其君於天下可傳於後世不賢而能之乎  
自鬻以成其君卿黨自好者不爲而謂賢者爲  
之乎

萬章章句下

孟子曰伯夷目不視惡色耳不聽惡聲非其君  
不事非其民不使治則進亂則退橫政之所出  
橫民之所止不忍居也思與鄉人處如以朝衣  
朝冠坐於塗炭也當紂之時居北海之濱以待  
天下之清也故聞伯夷之風者頑夫廉懦夫有  
立志伊尹曰何事非君何使非民治亦進亂亦  
進曰天之生斯民也使先知覺後知使先覺覺



後覺予天民之先覺者也。予將以此道覺此民也。思天下之民匹夫匹婦有不與被堯舜之澤者，若已推而內之溝中，其自任以天下之重也。柳下惠不羞汚君，不辭小官，進不隱賢，必以其道遺佚而不怨，阨窮而不憫，與鄉人處，由由然，不忍去也。爾爲爾，我爲我，雖祖禘祫禘於我側，爾焉能浼我哉？故聞柳下惠之風者，鄙夫薄夫敦孔子之去齊，接淅而行，去魯，曰：遲遲吾行也。去父母國之道也。可以速而速，可以久而久，可以處而處，可以仕而仕，孔子也。孟子曰：伯夷，聖之清者也；伊尹，聖之任者也；柳下惠，聖之和者也；孔子，聖之時者也。孔子之謂集大成。集大成也者，金聲而玉振之也。金聲也者，始條理也；玉振之也者，終條理也。始條理者，智之事也；終條理者，聖之事也。智譬則巧也，聖譬則力也。由射於百步之外也，其至爾力也；其中非爾力也。

孟子卷之六

梁惠篇下



○北宮錡問曰周室班爵祿也如之何孟子曰

其詳不可得聞也諸侯惡其害已也而皆去其

籍然而軻也嘗聞其略也天子一位公一位侯

一位伯一位子男同二位凡五等也君一位卿

一位大夫一位上士二位中士二位下士二位

凡六等天子之制地方千里公侯皆方百里伯

七十里子男五十里凡四等不能五十里

於天子附於諸侯曰附庸天子之卿受地視侯

大夫受地視伯元士受地視子男大國地方百

里君十卿祿卿祿四大夫大夫倍上士上士倍

中士中士倍下士下士與庶人在官者同祿祿

足以代其耕也次國地方七十里君十卿祿卿

祿三大夫大夫倍上士上士倍中士中士倍下

士下士與庶人在官者同祿祿足以代其耕也

小國地方五十里君十卿祿卿祿二大夫大夫

倍上士上士倍中士中士倍下士下士與庶人



在官者同祿祿足以代其耕也耕者之所獲

夫百畝百畝之糞上農夫食九人上次食八人

中食七人中次食六人下食五人庶人在官者

其祿以是為差○萬章問曰敢問友孟子曰不

挾長不挾貴不挾兄弟而友友也者友其德也

不可以有挾也孟獻子百乘之家也有友五人

焉樂正裘牧仲其三人則子忘之矣

此五人者友也無獻子之家者也此五人者亦

有獻子之家則不與之友矣非惟百乘之家為

然也雖小國之君亦有之費惠公曰吾於子思

則師之矣吾於顏般則友之矣王順長息則事

我者也非惟小國之君為然也雖大國之君亦

有之晉平公之於亥唐也入云則入坐云則坐

食云則食雖疏食菜羹未嘗不飽蓋不敢不飽

也然終於此而已矣弗與共天位也弗與治天

職也弗與食天祿也士之尊賢者也非王公之



尊賢也舜尚見帝帝館甥于戴室亦饗舜迭為

賓主是天子而友匹夫也用下敬上謂之貴貴

用上敬下謂之尊賢貴貴尊賢其義一也○萬

章問曰敢問交際何心也孟子曰恭也曰卻之

卻之為不恭何哉曰尊者賜之曰其所取之者

義乎不義乎而後受之以是為不恭故弗卻也

曰請無以辭卻之以心卻之曰其取諸民乎不

義也而以他辭無受不可乎曰其交也以道其

接也以禮斯孔子受之矣萬章曰今有禦入於

國門之外者其交也以道其餽也以禮斯可受

禦與曰不可康誥曰殺越人于貨閱不畏死凡

民罔不諷是不待教而誅者也殷受夏周受殷

所不辭也於今為烈如之何其受之曰今之諸

侯取之於民也猶禦也苟善其禮際矣斯君子

受之敢問何說也曰子以為有王者作將比今

之諸侯而誅之乎其教之不改而後誅之乎夫

之諸侯而誅之乎其教之不改而後誅之乎夫



謂非其有而取之者盜也充類至義之盡也孔

子之仕於魯也魯人獵較孔子亦獵較獵較猶

可而况受其賜乎曰然則孔子之仕也非事道

與曰事道也事道奚獵較也曰孔子先薄正祭

器不以四方之食供薄正曰奚不去也曰為之

兆也兆足以行矣而不行而後去是以未嘗有

所終三年淹也孔子有見行可之仕有公養之

仕於季植子見行可之仕也於衛靈公際可之

仕也於衛孝公公養之仕也○孟子曰仕非為

貧也而有時乎為貧娶妻非為養也而有時乎

為養為貧者辭尊居卑辭富居貧辭尊居卑辭

富居貧惡乎宜乎抱關擊柝孔子嘗為委吏矣

曰會計當而已矣嘗為乘田矣曰牛羊茁壯長

而已矣位卑而言高罪也立乎人之本朝而道

不行耻也○萬章曰士之不託諸侯何也孟子

曰不敢也諸侯失國而後託於諸侯禮也士之



託於諸侯。非禮也。萬章曰：君餽之粟，則受之乎？曰：受之，受之何義也？曰：君之於氓也，固周之曰：周之則受，賜之則不受，何也？曰：不敢也。曰：敢問其不敢何也？曰：抱關擊柝者，皆有常職，以食於上。無常職而賜於上者，以為不恭也。曰：君餽之，則受之，不識可常繼乎？曰：繆公之於子思也，亟問亟餽，鼎肉。子思不悅於卒也，標使者出諸大門之外，北面稽首再拜而不受，曰：今而後知君之犬馬畜伋，蓋自是臺無餽也。悅賢不能舉，又不能養，也可謂悅賢乎？曰：敢問國君欲養君子如何，斯可謂養矣？曰：以君命將之，再拜稽首而受。其後廩人繼粟，庖人繼肉，不以君命將之，子思以為鼎肉，使已僕僕爾亟拜也。非養君子之道也。堯之於舜也，使其子九男事之，二女女焉。百官牛羊倉廩備以養舜於畎畝之中。後舉而加諸上位，故曰：王公之尊賢者也。○萬章曰：敢

孟子卷之四

萬章曰敢



問不見諸侯何義也孟子曰在國曰市井之臣  
在野曰草莽之臣皆謂庶人庶人不傳質爲臣  
不敢見於諸侯禮也萬章曰庶人召之役則往  
役君欲見之召之則不往見之何也曰往役義  
也往見不義也且君之欲見之也何爲也哉曰  
爲其多聞也爲其賢也曰爲其多聞也則天子  
不召師而况諸侯乎爲其賢也則吾未聞欲見  
賢而召之也繆公亟見於子思曰古千乘之國  
以友士何如子思不悅曰古之人有言曰事之  
云乎豈曰友之云乎子思之不悅也豈不曰以  
益則子君也我臣也何敢與君友也以德則子  
事我者也奚可以與我友千乘之君求與之友  
而不可得而况可召與齊景公田招虞人以旌  
不至將殺之志士不忘在溝壑勇士不忘喪其  
元孔子奚取焉取非其招不往也曰敢問招虞  
人何以曰以皮冠庶人以旃士以旂大夫以旌



以大夫之招招虞人虞人死不敢往以士之招  
招庶人庶人豈敢往哉况乎以不賢人之招招  
賢人乎欲見賢人而不以其道猶欲其入而閉  
之門也夫義路也禮門也惟君子能由是路出  
入是門也詩云周道如底其直如矢君子所履  
小人所視萬章曰孔子君命召不俟駕而行然  
則孔子非與曰孔子當仕有官職而以其官  
之也○孟子謂萬章曰一國之善士斯友一國  
之善士一國之善士斯友一國之善士天下之  
善士斯友天下之善士以友天下之善士為未足  
又尚論古之人頌其詩讀其書不知其人可乎  
是以論其世也是尚友也○齊宣王問卿孟子  
曰王何卿之問也王曰卿不同乎曰不同有貴  
戚之卿有異姓之卿王曰請問貴戚之卿曰君  
有大過則諫反覆之而不聽則易位王勃然變  
乎色曰王勿異也王問臣臣不敢不以正對王



色定然後請問異姓之鄉曰君有過則諫反覆之而不聽則去

告子章句上

告子曰性猶杞柳也義猶柎捲也。以人性為仁義猶以杞柳為柎捲孟子曰子能順杞柳之性而以為柎捲乎將戕賊杞柳而後以為柎捲也。如將戕賊杞柳而以為柎捲則亦將戕賊人以為仁義與率天下之人而禍仁義者必予之言

夫○告子曰性猶湍水也決諸東方則東流決諸西方則西流。人性之無分於善不善也猶水之無分於東西也。孟子曰水信無分於東西無分上下乎人性之善也猶水之就下也。人無有不善水無有不下。今夫水搏而躍之可使過頽激而行之可使在山是豈水之性哉其勢則然也。人之可使為不善其性亦猶是也。○告子曰生之謂性孟子曰生之謂性也猶白之謂白與



曰然白羽之白也猶白雪之白白雪之白猶白玉之白與曰然然則犬之性猶牛之性猶人之性與○告子曰食色性也仁內也非外也義外也非內也孟子曰何以謂仁內義外也曰彼長而我長之非有長於我也猶彼白而我白之從其白於外也故謂之外也曰異於白馬之白也無以異於白人之白也不識長馬之長也無以異於長人之長與且謂長者義乎長之

者義乎曰吾弟則愛之秦人之弟則不愛也是以我為悅者也故謂之內長楚人之長亦長吾之長是以長為悅者也故謂之外也曰者秦人之長無以異於者吾矣夫物則亦有然者亦然則者矣亦有外與○孟季子問公都子曰何以謂義內也曰行吾敬故謂之內也鄉人長於伯兄一歲則誰敬曰敬兄酌則誰先曰先酌鄉人所敬在此所長在彼果在外非由內也公都子



不能答以告孟子。孟子曰：敬叔父乎？敬弟子乎？彼將曰：敬叔父。曰：弟為尸，則誰敬？彼將曰：敬弟子。曰：惡在其敬叔父也？彼將曰：在位故也。子亦曰：在位故也。庸敬在兄，斯須之敬在鄉人。季子聞之曰：敬叔父則敬敬，敬弟子則敬果在外，非由內也。公都子曰：冬日則飲湯，夏日則飲水，然則飲食亦在外也。○公都子曰：告子曰：性無善無不善也。或曰：性可以為善，可以為不善，是故文武興

則民好善。幽厲興則民好暴，或曰：有性善，有性不善，是故以堯為君而有象，以瞽瞍為父而有舜，以紂為兄之子且以為君，而有微子、啓、王子比干。今日性善，然則彼皆非與？孟子曰：乃若其情，則可以為善矣，乃所謂善也。若夫為不善，非才之罪也。側隱之心，人皆有之；羞惡之心，人皆有之；恭敬之心，人皆有之；是非之心，人皆有之。惻隱之心，仁也；羞惡之心，義也；恭敬之心，禮也。



是非之心智也。仁義禮智非由外鑠我也。我固有之也。弗思耳矣。故曰求則得之，舍則失之。或相倍蓰而無算者，不能盡其才者也。詩曰：天生蒸民，有物有則。民之秉夷，好是懿德。孔子曰：為此詩者，其知道乎？故有物必有則，民之秉夷也。故好是懿德。○孟子曰：富歲子弟多賴，凶歲子弟多暴，非天之降才爾殊也，其所以陷溺其心者然也。今夫麩麥播種而耰之，其地同樹之時

又同淳，然而生，至於日至之時，皆熟矣。雖有不

同則地有肥磽，雨露之養，人事之不齊也。故凡同類者，舉相似也。何獨至於人而疑之？聖人與我同類者，故龍子曰：不知足而為履，我知其不為賈也。屨之相似，天下之足同也。口之於味，有同者也。易牙先得我口之所嗜者也。如使口之於味也，其性與人殊，若犬馬之與我，不同類也。則天下何者皆從易牙之於味也？至於味，天下



期於易牙。是天下之口相似也。惟耳亦然。至於  
聲天下。期於師曠。是天下之耳相似也。惟目亦  
然。至於子都。天下莫不知其姣也。不知子都之  
姣者。無目者也。故曰口之於味也。有同者焉耳。  
之於聲也。有同聽焉。目之於色也。有同美焉。至  
於心。獨無所同然乎。心之所同然者。何也。謂理  
也。義也。聖人先得我心之所同然耳。故理義之  
悅我心。猶芻豢之悅我口。○孟子曰。牛山之木

嘗美矣。以其郊於大國也。斧斤伐之。可以爲美  
乎。是其日夜之所息。雨露之所潤。非無萌蘖之  
生焉。牛羊又從而牧之。是以若彼濯濯也。人見  
其濯濯也。以爲未嘗有材焉。此豈山之性也哉。  
雖存乎人者。豈無仁義之心哉。其所以放其良  
心者。亦猶斧斤之於木也。且且而伐之。可以爲  
美乎。其日夜之所息。平旦之氣。其好惡與人相  
近也者。幾希。則其且晝之所爲。有梏亡之矣。梏



之反覆則其夜氣不足以存夜氣不足以存則  
 其違禽獸不遠矣人見其禽獸也而以爲未嘗  
 有才焉者是豈入之情也哉故苟得其養無物  
 不長苟失其養無物不消孔子曰操則存舍則  
 亡出入無時莫知其鄉惟心之謂與○孟子曰  
 無或乎王之不智也雖有天下易生之物也一  
 日暴之十日寒之未有能生者也吾見亦罕矣  
 吾退而寒之者至矣吾如有萌焉何哉今夫奕

之爲數小數也不專心致志則不得也奕秋通  
 國之善奕者也使奕秋誨二人奕其一人專心  
 致志惟奕秋之爲聽一人雖聽之一心以爲有  
 鴻鵠將至思後弓繳而射之雖與之俱學弗若  
 之矣爲是其智弗若與曰非然也○孟子曰魚  
 我所欲也能掌亦我所欲也二者不可得兼舍  
 魚而取能掌者也生亦我所欲也義亦我所欲  
 也二者不可得兼舍生而取義者也生亦我所

孟子

魚



欲所欲有甚於生者故不為苟得也死亦我所  
惡所惡有甚於死者故患有所不辟也如使人  
之所欲莫甚於生則凡可以得生者何不用也  
使入之所惡莫甚於死者則凡可以辟患者何  
不為也由是則生而有不用也由是則可以辟  
患而有不為也是故所欲有甚於生者所惡有  
甚於死者非獨賢者有是心也人皆有之賢者  
能勿喪耳一簞食一豆羹得之則生弗得則死

噓爾而與之行道之人弗受蹴爾而與之乞人  
不屑也萬鍾則不辨禮義而受之萬鍾於我何  
加焉為宮室之美妻妾之奉所識窮乏者得我  
與鄉為身死而不受今為宮室之美為之鄉為  
身死而不受今為妻妾之奉為之鄉為身死而  
不受今為所識窮乏者得我而為之是亦不可  
以已乎此之謂失其本心○孟子曰仁人心也  
義人路也舍其路而弗由放其心而不知求哀



哉人有雞犬放則知求之有放心而不知求學問之道無他求其放心而已矣○孟子曰今有無名之指屈而不信非疾痛害事也如有能信之者則不遠秦楚之路為指之不若人也指不若人則知惡之心不若人則不知惡此之謂不知類也○孟子曰拱把之桐梓人苟欲生之皆知所以養之者至於身而不知所以養之者豈愛身不若桐梓哉弗思甚也○孟子曰人之於

身也兼所愛兼所愛則兼所養也無尺寸之膚不愛焉則無尺寸之膚不養也所以考其善不善者豈有他哉於已取之而已矣體有貴賤有小大無以小害大無以賤害貴養其小者為小人養其大者為大人今有場師舍其梧櫨養其棘棘則為賤場師焉養其一指而失其肩背而不知也則為狼疾人也飲食之人則人賤之矣為其養小以失大也飲食之人無有失也則口



腹豈適為尺寸之膚哉○公都子問曰鈞是人

也或為大人或為小人何也孟子曰從其大體

為大人從其小體為小人曰鈞是人也或從其

大體或從其小體何也曰耳目之官不思而蔽

於物物交物則引之而已矣心之官則思思則

得之不思則不得也此天之所與我者先立乎

其大者則其小者不能奪也此為大人而已矣

○孟子曰有天爵者有人爵者仁義忠信樂善

不倦此天爵也公卿大夫此人爵也古之人格

其天爵而人爵從之今之人脩其天爵以要人

爵既得人爵而棄其天爵則惑之甚者也終亦

必亡而已矣○孟子曰欲貴者人之同心也人

人有貴於己者弗思耳人之所貴者非良貴也

趙孟之所貴趙孟能賤之詩曰既醉以酒既飽

以德言飽乎仁義也所以不願人之膏粱之味

也令聞廣譽施於身所以不願人之文繡也○



孟子曰仁之勝不仁也猶水勝火今之爲仁者猶以一杯水救一車薪之火也不熄則謂之水不勝火此又與於不仁之甚者也亦終必亡而已矣○孟子曰五穀者種之美者也苟爲不熟不如萑稗夫仁亦在乎熟之而已矣○孟子曰羿之教人射必志於毅學者亦必志於毅大匠誨人必以規矩學者亦必以規矩

告子章句下

任人有問屋廬子曰禮與食孰重曰禮重色與禮孰重曰禮重曰以禮食則飢而死不以禮食則得食必以禮乎親迎則不得妻不親迎則得妻必親迎乎屋廬子不能對明日之鄰以告孟子孟子曰於答是也何有不揣其本而務其末方寸之木可使高於岑樓金重於羽者豈謂一鈎金與一輿羽之謂哉取食之重者與禮之輕者而比之奚翅食重取色之重者與禮之輕者



而比之矣翅色重往應之曰終兄之臂而奪之  
食則得食不終則不得食則將終之乎踰東家  
牆而據其處子則得妻不據則不得妻則將據  
之乎○曹交問曰人皆可以為堯舜有諸孟子  
曰然交聞文王十尺湯九尺今交九尺四寸以  
長食粟而已如何則可曰奚有於是亦為之而  
已矣有人於此力不能勝一匹雞則為無力人  
矣今日舉百鈞則為有力人矣然則舉烏獲之

任是亦為烏獲而已矣夫人豈以不勝為患哉  
弗為耳徐行後長者謂之弟疾行先長者謂之  
不弟夫徐行者豈人所不能哉所不為也堯舜  
之道孝弟而已矣子服堯之服誦堯之言行堯  
之行是堯而已矣子服桀之服誦桀之言行桀  
之行是桀而已矣曰交得見於鄒君可以假館  
願留而受業於門曰夫道若大路然豈難知哉人  
病不求耳子歸而求之有餘師○公孫丑問曰



高子曰小弁小人之詩也孟子曰何以言之曰怨曰固哉高叟之爲詩也有入於此越人鬪弓而射之則已談笑而道之無他疏之也其兄鬪弓而射之則已垂涕泣而道之無他戚之也小弁之怨親親也親親仁也固矣夫高叟之爲詩也曰凱風何以不怨曰凱風親之過小者也小弁親之過大者也親之過大而不怨是愈疏也親之過小而怨是不可磯也愈疏不孝也不可磯亦不孝也孔子曰舜其至孝矣五十而慕宋牼將之楚孟子遇於石丘曰先生將何之曰吾聞秦楚構兵我將見楚王說而罷之楚王不悅我將見秦王說而罷之二王我將有所遇焉曰軻也請無問其詳願聞其指說之將何如曰我將言其不利也曰先生之志則大矣先生之號則不可先生以利說秦楚之王秦楚之王悅於利以罷二軍之師是二軍之士樂罷而悅於



利也爲人臣者懷利以事其君爲人子者懷利以事其父爲人弟者懷利以事其兄是君臣父子兄弟終去仁義懷利以相接然而不亡者未之有也先生以仁義說秦楚之王秦楚之王悅於仁義而罷三軍之師是三軍之士樂罷而悅於仁義也爲人臣者懷仁義以事其君爲人子者懷仁義以事其父爲人弟者懷仁義以事其兄是君臣父子兄弟去利懷仁義以相接也然

而不王者未之有也何必曰利○孟子居鄒委任爲任處守以幣交受之而不報處於平陸儲子爲相以幣交受之而不報他日由鄒之任見季子由平陸之齊不見儲子屋廬子喜曰連得問矣問曰夫子之任見季子之齊不見儲子爲其爲相與曰非也書曰享多儀儀不及物曰小享惟不役志于享爲其不成享也屋廬子悅或問之屋廬子曰季子不得之鄒儲子得之平陸○



淳于髡曰先名實者為人後名實者自為也  
 夫子在三卿之中名實未加於上下而去之仁  
 者固如此乎孟子曰居下位不以賢事不肖者  
 伯夷也五就湯五就桀者伊尹也不惡汙君不  
 辭小官者柳下惠也三子者不同道其趨一也  
 一者何也曰仁也君子亦仁而已矣何必同曰  
 曾繆公之時公儀子為政子柳子思為臣燕之  
 削也滋甚若是乎賢者之無益於國也曰虞不

用百里奚而亡秦穆公用之而霸不用賢則  
 削何可得與曰昔者王豹處於淇而河西善謳  
 懿駒處於高唐而齊右善歌華周杞梁之妻善  
 哭其夫而變國俗有諸內必形諸外為其事而  
 無其功者髡味嘗觀之也是故無賢者也有則  
 髡必識之曰孔子為魯司寇不用從而祭膳肉  
 不至不稅冕而行不知者以為為肉也其知者  
 以為為無禮也乃孔子則欲以微罪行不欲為



苟去君子之所為衆人固不識也○孟子曰五  
 霸者三王之罪人也今之諸侯五霸之罪人也  
 今之大夫今之諸侯之罪人也天子適諸侯曰  
 巡狩諸侯朝於天子曰述職春省耕而補不足  
 秋省斂而助不給入其疆土地辟田野治養老  
 尊賢後傑在位則有慶慶以地入其疆土地荒  
 蕪遺老失賢倍克在位則有讓一不朝則貶其  
 爵再不朝則削其地三不朝則六師移之是故

天子討而不伐諸侯伐而不討五霸者撻諸侯  
 以伐諸侯者也故曰五霸者三王之罪人也五  
 霸桓公為盛葵丘之會諸侯束牲載書而不歃  
 血初命曰誅不孝無易樹子無以妾為妻再命  
 曰尊賢育才以彰有德三命曰敬老慈幼無忘  
 賓旅四命曰士無世官官事無攝取士必得無  
 專殺大夫五命曰無曲防無遏權無有對而不  
 告曰凡我同盟之人既盟之後言歸于好今之



諸侯皆犯此五禁故曰今之諸侯五霸之罪人也  
也長君之惡其罪小逢君之惡其罪大今之太  
夫皆逢君之惡故曰今之大夫今之諸侯之罪  
人也○曾欲使慎子為將軍孟子曰不教民而  
用之謂之殃民殃居者不容於堯舜之世一戰  
勝齊遂有南陽然且不可慎子勃然不悅曰此  
則滑釐所不識也曰吾明告子天子之地方千  
里不千里不足以待諸侯諸侯之地方百里不

百里不足以守宗廟之典籍周公之封於魯  
方百里也地非不足而儉於百里太公之封於  
齊也亦為方百里也地非不足也而儉於百里  
今魯方百里者五子以為有王者作則魯在所  
損乎在所益乎徒取諸彼以與此然且仁者不  
為況於殺入以求之乎君子之事君也務引其  
君以當道志於仁而已○孟子曰今之事君者  
曰我能為君辟土地充府庫今之所謂良臣古



之所謂民賊也。君不鄉道，不志於仁，而求富之，是富桀也。我能為君約與國戰，必克。今之所謂良臣，古之所謂民賊也。君不鄉道，不志於仁，而求為之強戰，是輔桀也。由今之道，無變今之俗，雖與之天下，不能一朝居也。○白圭曰：吾欲二十而取一，何如？孟子曰：子之道，貉道也。萬室之國，一人陶，則可乎？曰：不可。器不定，用也。曰：夫貉五穀不生，惟黍生之，無城郭宮室宗廟祭祀之禮，無諸侯幣帛饗飧，無百官有司，故二十取一而足也。今居中國，去人倫，無君子，如之何其可也。陶以寡，且不可以為國。况無君子乎？欲輕之於堯舜之道者，大貉小貉也。欲重之於堯舜之道者，大桀小桀也。○白圭曰：丹之治水也，愈於禹。孟子曰：子過矣。禹之治水，水之道也。是故禹以四海為壑，今吾子以鄰國為壑。水逆行，謂之洚水。洚水者，洪水也。仁人之所惡也。吾子過矣。

孟子

卷之六



○孟子曰君子不亮惡乎執○曾欲使樂正子  
為政孟子曰吾聞之喜而不寐公孫丑曰樂正  
子強乎曰否有知慮乎曰否多聞識乎曰否然  
則奚為喜而不寐曰其為人也好善好善足乎  
曰好善優於天下而況魯國乎夫苟好善則四  
海之內皆將輕千里而來告之以善夫苟不好  
善則人將曰訑訑予既已知之矣訑訑之聲音  
顏色距人於千里之外士止於千里之外則讒

諂面諛之人至矣與讒諂面諛之人居國欲治  
可得乎○陳子曰古之君子何如則仕孟子曰  
所就三所去三迎之致敬以有禮言將行其言  
也則就之禮猶未衰言弗行也則去之其次雖  
未行其言也迎之致敬以有禮則就之禮猶未  
衰去之其下朝不食夕不食飢餓不能出門戶  
君聞之曰吾大者不能行其道又不能從其言  
也使飢餓於我土地吾耻之周之亦可受也免



死而巳矣○孟子曰舜發於畎畝之中傅說舉於版築之間膠鬲舉於魚鹽之中管夷吾舉於士孫叔敖舉於海百里奚舉於市故天將降大任於是人也必先苦其心志勞其筋骨餓其體膚空乏其身行拂亂其所為所以動心忍性曾益其所不能人恒過然後能改困於心衡於慮而後作徵於色發於聲而後喻入則無法家拂士出則無敵國外患者國恒亡然後知生於憂

患而死於安樂也○孟子曰教亦多術矣予不

屑之教誨也者是亦教誨之而已矣

盡心章句上

孟子曰盡其心者知其性也知其性則知天矣存其心養其性所以事天也夭壽不貳脩身以俟之所以立命也○孟子曰莫非命也順受其正是故知命者不立乎巖牆之下盡其道而死者正命也桎梏死者非正命也○孟子曰求則



得之。舍則失之。是求有益於得也。求在我者也。  
求之有道。得之有命。是求無益於得也。求在外  
者也。○孟子曰。萬物皆備於我矣。反身而誠。樂  
莫大焉。強恕而行。求仁莫近焉。○孟子曰。行之  
而不著。焉習矣。而不察焉。終身由之。而不知其  
道者。衆也。○孟子曰。人不可以無耻。無耻之耻  
無耻矣。○孟子曰。耻之於人大矣。爲機變之巧  
者。無所用耻焉。不耻不若人。何若人有。○孟子

曰。古之賢主。好善而忘勢。古之賢士。何獨不然。  
樂其道而忘人之勢。故王公不致敬盡禮。則不  
得亟見之。見且猶不得亟。而況得而臣之乎。○  
孟子謂宋句踐曰。子好遊乎。吾語子遊。人知之  
亦囂。人不知亦囂。曰。何如斯可以囂。曰。矣。  
曰。尊德樂義。則可以囂。矣。故士窮不失義。達  
不離道。窮不失義。故士得已焉。達不離道。故民  
不失望焉。古之人。得志澤加於民。不得志脩身



見於世窮則獨善其身達則兼善天下○孟子  
曰待文王而後興者凡民也若夫豪傑之士雖  
無文王猶興○孟子曰附之以韓魏之家如其  
自視欲然則過人遠矣○孟子曰以佚道使民  
雖勞不怨以生道殺民雖死不怨殺者○孟子  
曰霸者之民驩虞如也王者之民皞皞如也殺  
之而不怨利之而不庸民日遷善而不知爲之  
者夫君子所過者化所存者神上下與天地同

流豈曰小補之哉○孟子曰仁言不如仁聲之  
入人深也善政不如善教之得民也善政民畏  
之善教民愛之善政得民財善教得民心○孟  
子曰人之所不學而能者其良能也所不慮而  
知者其良知也孩提之童無不知愛其親也及  
其長也無不知敬其兄也親親仁也敬長義也  
無他達之天下也○孟子曰舜之居深山之中  
與木石居與鹿豕遊其所以異於深山之野人



者幾希及其聞一善言見一善行若決江河沛  
然莫之能禦也○孟子曰無爲其所不爲無欲  
其所不欲如此而已矣○孟子曰人之有德慧  
術知者恒存乎灰疾獨孤臣孽子其操心也危  
其慮患也深故達○孟子曰有事君人者事是  
君則爲容悅者也有安社稷臣者以安社稷爲  
悅者也有天民者達可行於天下而後行之者  
也有大人者正己而物正者也○孟子曰君子

有二樂而王天下不與存焉父母俱存兄弟無  
故一樂也仰不愧於天俯不作於人二樂也得  
天下英才而教育之三樂也君子有三樂而王  
天下不與存焉○孟子曰廣土衆民君子欲之  
所樂不存焉中天下而立定四海之民君子樂  
之所性不存焉君子所性雖大行不加焉雖窮  
居不損焉分定故也君子所性仁義禮智根於  
心其生色也晬然見於面盎於背施於四體四



體不言而喻○孟子曰伯夷辟紂居北海之濱  
聞文王作興曰盍歸乎來吾聞西伯善養老者  
太公辟紂居東海之濱聞文王作興曰盍歸乎  
來吾聞西伯善養老者天下有善養老則仁人  
以為已歸矣五畝之宅樹牆下以桑匹婦蠶之  
則老者足以無失肉矣五母雞一母彘無失其時  
老者足以無失肉矣百畝之田匹夫耕之八口  
之家可以無飢矣所謂西伯善養老者制其用

里教之樹畜道其妻子使養其老五十非帛不  
煖七十非肉不飽不煖不飽謂之凍餒文王之  
民無凍餒之老者此之謂也○孟子曰易其田  
疇薄其稅歛民可使富也食之以時用之以禮  
財不可勝用也民非水火不生生活皆暮叩人之  
門戶求水火無弗與者至足矣聖人治天下使  
有菽粟如水火菽粟如水火而民為有不仁者  
乎○孟子曰孔子登東山而小魯登太山而小



天下故觀於海者難為水遊於聖人之門者難  
 為言觀水有術必觀其濶日月有明容光必照  
 焉流水之為物也不盈科不行君子之志於道  
 也不成章不達○孟子曰雞鳴而起孳々為善  
 者舜之徒也雞鳴而起孳々為利者蹠之徒也  
 欲知舜與蹠之分無他利與善之間也○孟子  
 曰楊子取為我拔一毛而利天下不為也墨子兼  
 愛摩頂放踵利天下為之子莫執中執中為近

之執中無權猶執一也所惡執一者為其賊道  
 也舉一而廢百也○孟子曰飢者甘食渴者甘  
 飲是未得飲食之正也飢渴害之也豈惟口腹  
 有飢渴之害人心亦皆有害人能無以飢渴之  
 害為心害則不及人不為憂矣○孟子曰柳下  
 惠不以三公易其介○孟子曰有為者辟若掘  
 井掘井九軌而不及泉猶為棄井○孟子曰堯  
 舜性之也湯武身之也五霸假之也久假而不



歸惡知其非有也。○公孫丑曰：伊尹曰：予不狎于不順，放太甲于桐，民大悅。太甲賢，又反之，民大悅。賢者之為人臣也，其君不賢，則固可放與？孟子曰：有伊尹之志，則可。無伊尹之志，則篡也。○公孫丑曰：詩曰：不素餐兮，君子之不耕而食，何也？孟子曰：君子居是國也，其君用之，則安富尊榮，其子弟從之，則孝弟忠信。不素餐兮，孰大於是？○王子墊問曰：士何事？孟子曰：尚志曰：何

謂尚志曰：仁義而已矣。殺一無罪，非仁也。非其有而取之，非義也。居惡在？仁是也。路惡在？義是也。居仁由義，大人之事備矣。○孟子曰：仲子不義與之齊國，而弗受人，皆信之，是舍菹食豆羹之義也。人莫大焉亡親戚君臣上下，以其小者信其大者，奚可哉？○桃應問曰：舜為天子，皋陶為士，瞽瞍殺人，則如之何？孟子曰：執之而已矣。然則舜不禁與？曰：夫舜惡得而禁之？夫有所受



之也。然則舜如何。曰：舜視棄天下，猶棄敝屣也。竊負而逃，遵海濱而處，終身訢然樂而忘天下。○孟子自范之齊，望見齊主之子，喟然歎曰：居移氣，養移體，大哉居乎！夫非盡人之子，與孟子曰：王子宮室，車馬衣服，多與人同，而王子若彼者，其居使之然也。況居天下之廣居者乎？曾君之宋，呼於埤澤之門，守者曰：此非吾君也，何其聲之似我君也。此無他，居相似也。○孟子曰：食

而弗愛，豈交之也。愛而不敬，獸畜之恭敬者，幣之未將者也。恭敬而無實，君子不可虛抱。○孟子曰：形色，天性也。惟聖人然後可以踐形。○齊宣王欲短喪，公孫丑曰：為其之喪，猶愈於已乎。孟子曰：是猶或紵其兄之臂，予謂之姑徐徐云爾，亦教之孝弟而已矣。王子有其母死者，其傅為之請數月之喪，公孫丑曰：若此者，何如也。曰：是欲終之而不可得也。雖加一日，愈於已，謂夫莫



之禁而弗爲者也○孟子曰君子之所以教者  
五有<sup>イッ</sup>如<sup>アリ</sup>時<sup>ク</sup>雨<sup>ク</sup>化<sup>ス</sup>之<sup>者</sup>者<sup>有</sup>成<sup>ル</sup>德<sup>者</sup>者<sup>有</sup>達<sup>ス</sup>財<sup>者</sup>者<sup>有</sup>答<sup>ス</sup>  
問<sup>者</sup>者<sup>有</sup>私<sup>ス</sup>淑<sup>ス</sup>艾<sup>ス</sup>者<sup>此</sup>此<sup>五</sup>者<sup>者</sup>君<sup>子</sup>之<sup>所</sup>以<sup>教</sup>也○  
公<sup>孫</sup>丑<sup>曰</sup>道<sup>則</sup>高<sup>矣</sup>美<sup>宜</sup>若<sup>登</sup>天<sup>然</sup>似<sup>不</sup>可<sup>及</sup>  
也何<sup>不</sup>使<sup>彼</sup>爲<sup>可</sup>幾<sup>及</sup>而<sup>日</sup>孳<sup>々</sup>也○孟子曰太  
匠<sup>不</sup>爲<sup>拙</sup>工<sup>改</sup>廢<sup>繩</sup>墨<sup>葬</sup>不<sup>爲</sup>拙<sup>射</sup>變<sup>其</sup>轂<sup>率</sup>  
君<sup>子</sup>引<sup>而</sup>不<sup>發</sup>躍<sup>如</sup>也中<sup>道</sup>而<sup>立</sup>能<sup>者</sup>從<sup>之</sup>○  
孟<sup>子</sup>曰天<sup>下</sup>有<sup>道</sup>以<sup>道</sup>殉<sup>身</sup>天<sup>下</sup>無<sup>道</sup>以<sup>身</sup>殉

道<sup>未</sup>聞<sup>以</sup>道<sup>殉</sup>乎<sup>人</sup>者<sup>也</sup>○公<sup>都</sup>子<sup>曰</sup>滕<sup>更</sup>之  
在<sup>門</sup>也若<sup>在</sup>所<sup>禮</sup>而<sup>不</sup>答<sup>何</sup>也○孟<sup>子</sup>曰挾<sup>賢</sup>而  
問<sup>挾</sup>賢<sup>而</sup>問<sup>挾</sup>長<sup>而</sup>問<sup>挾</sup>有<sup>勲</sup>勞<sup>而</sup>問<sup>挾</sup>故<sup>而</sup>  
問<sup>皆</sup>所<sup>不</sup>答<sup>也</sup>滕<sup>更</sup>有<sup>二</sup>焉○孟<sup>子</sup>曰於<sup>不</sup>可  
已<sup>而</sup>已<sup>者</sup>無<sup>所</sup>不<sup>已</sup>於<sup>所</sup>厚<sup>者</sup>薄<sup>無</sup>所<sup>不</sup>薄<sup>也</sup>  
其<sup>進</sup>銳<sup>者</sup>其<sup>退</sup>速○孟<sup>子</sup>曰君<sup>子</sup>之<sup>於</sup>物<sup>也</sup>愛  
之<sup>而</sup>弗<sup>仁</sup>於<sup>民</sup>也仁<sup>之</sup>而<sup>弗</sup>親<sup>親</sup>而<sup>仁</sup>民<sup>仁</sup>  
民<sup>而</sup>愛<sup>物</sup>○孟<sup>子</sup>曰知<sup>者</sup>無<sup>不</sup>知<sup>也</sup>當<sup>務</sup>之<sup>爲</sup>



急仁者無不愛也。急親賢之爲務。堯舜之知而  
不偏物。急先務也。堯舜之仁。不偏愛人。急親賢  
也不能三年之喪而細小功之察。放飯流歎而  
問無齒。決是之謂不知務。

盡心章句下

孟子曰不仁哉梁惠王也。仁者以其所愛及其  
所不愛。不仁者以其所不愛及其所愛。公孫丑  
曰何謂也。梁惠王以土地之故。糜爛其民而戰

之大敗。將復之。恐不能勝。故驅其所愛子弟以  
殉之。是之謂以其所不愛及其所愛也。○孟子  
曰春秋無義戰。彼善於此。則有之矣。征者上伐  
下也。敵國不相征也。○孟子曰盡信書則不如  
無書。吾於武成取二三策而已矣。仁人無敵於  
天下。以至仁伐至不仁。而何其血之流杵也。○  
孟子曰有人曰我善爲陳。我善爲戰。大罪也。國  
君好仁。天下無敵焉。南面而征。北狄怨。東面而



征西夷怨曰奚爲後我武王之伐殷也韋車三百兩虎賁三千人王曰無畏寧爾也非敵百姓也若崩厥角誓首征之爲言正也各欲正已也爲用戰○孟子曰梓匠輪輿能與人規矩不能使人巧○孟子曰舜之飯糗茹草也若將終身焉及其爲天子也波袷衣鼓琴二女果若固有之○孟子曰吾今而後知殺入親之重也殺入父人亦殺其父殺入之兄人亦殺其兄然則非

自殺之也一問耳○孟子曰古之爲關也將以禦暴今之爲關也將以爲暴○孟子曰身不行道不行於妻子使人不以道不能行於妻子○孟子曰周于利者凶年不能殺周于德者邪世不能亂○孟子曰好名之人能讓千乘之國苟非其人簞食豆羹見於色○孟子曰不信仁賢則國空虛無禮義則上下亂無政事則財用不  
定○孟子曰不仁而得國者有之矣不仁而得



天下未之有也○孟子曰民為貴社稷次之君  
 為輕是故得乎丘民而為天子得乎天子為諸  
 侯得諸侯為大夫諸侯危社稷則變置犧牲既  
 成粢盛既潔祭祀以時然而旱乾水溢則變置  
 社稷○孟子曰聖人百世之師也伯夷柳下惠  
 是也故聞伯夷之風者頑夫廉懦夫有立志聞  
 柳下惠之風者薄夫敦鄙夫寬奮乎百世之上  
 百世之下聞者莫不興起也非聖人而能若是

乎而況於親炙之者乎○孟子曰仁也者人也  
 合而言之道也○孟子曰孔子之去魯曰遲遲  
 吾行也去父母國之道也去齊按淅而行去他  
 國之道也○孟子曰君子之厄於陳蔡之間無  
 上下之交也○貉稽曰誓大不理於口孟子曰  
 無傷也士憎茲多口詩云憂心悄悄愠于群小  
 孔子也肆不殄厥愠亦不殞厥問丈夫也○孟  
 子曰賢者以其昭昭使人昭昭今以其昏昏使



入昭昭○孟子謂高子曰山徑之蹊間介然用  
之而成路爲間不用則茅塞之矣今茅塞子之  
心矣○高子曰禹之聲尚文王之聲孟子曰何  
以言之曰以追蠡曰是奚足哉城門之軌兩馬  
之力與○齊饑陳臻曰國人皆以夫子將復爲  
發棠殆不可復孟子曰是爲馮婦也晉人有馮  
婦者善搏虎卒爲善士則之野有衆逐虎虎負  
傷莫之敢撻望見馮婦趨而迎之馮婦攘臂下車

衆皆悅之其爲士者笑之○孟子曰口之於味  
也目之於色也耳之於聲也鼻之於臭也四肢  
之於安佚也性也有命焉君子不謂性也仁之  
於父子也義之於君臣也禮之於賓主也智之  
於賢者也聖人之於天道也命也有性焉君子  
不謂命也○浩生不害問曰樂正子何人也孟  
子曰善人也信人也何謂善何謂信曰可欲之  
謂善有諸已之謂信克實之謂美克實而有光



輝之謂大犬而化之之謂聖聖而不可知之之  
謂神樂正子二之中四之下也○孟子曰逃墨  
必歸於楊逃楊必歸於儒歸斯受之而已矣今  
之與楊墨辨者如追放豚既入其苙又從而招  
之○孟子曰有布縷之征粟米之征力役之征  
君子用其一緩其二用其二而民有姦用其三  
而父子離○孟子曰諸侯之寶三土地人民政  
事寶珠玉者殃必及身○盆成括仕於齊孟子

曰死矣盆成括盆成括見殺門人問曰夫子何  
以知其將見殺曰其爲人也小有才未聞君子  
之大道也則足以殺其軀而已矣○孟子之滕  
館於上宮有業屨於牖上館人求之弗得或問  
之曰若是乎從者之慶也曰子以是爲竊屨來  
與曰殆非也夫子之設科也往者不追來者不  
拒苟以是心至斯受之而已矣○孟子曰人皆  
有所不忍達之於其所忍仁也人皆有所不爲



達之於其所為義也。人能充無欲害人之心而  
仁不可勝用也。人能充無穿窬之心而義不可  
勝用也。人能充無受爾汝之實無所往而不為  
義也。士未可以言而言。是以言餽之也。可以言  
而不言。是以不言餽之也。是皆穿窬之類也。○  
孟子曰。言近而指遠者。善言也。守約而施博者  
善道也。君子之言也。未下帶而道存焉。君子之  
守。脩其身而天下平。人病舍其田而芸人之田。

所求於人者重而所以自任者輕。○孟子曰。堯  
舜性者也。湯武反之也。動容周旋中禮者。盛德  
之至也。哭死而哀。非為生者也。經德不回。非以  
于祿也。言語必信。非以正行也。君子行法以俟  
命而已矣。○孟子曰。說大人則藐之。勿視其巍  
巍然堂高數仞。楹題數尺。我得志弗為也。食前  
方丈。侍妾數百人。我得志弗為也。般樂飲酒。驅  
騁田獵。後車千乘。我得志弗為也。在彼者皆我



所不爲也在我者皆古之制也吾何畏彼哉○  
孟子曰養心莫善於寡欲其爲人也寡欲雖有  
不存焉者寡矣其爲人也多欲雖有存焉者寡  
矣○曾皙嗜羊棗而曾子不忍食羊棗公孫丑  
問曰膾炙與羊棗孰美孟子曰膾炙哉公孫丑  
曰然則曾子何爲食膾炙而不食羊棗曰膾炙  
所同也羊棗所獨也諱名不諱姓姓所同也名  
所獨也○萬章問曰孔子在陳曰盍歸乎來吾

黨之士狂簡進取不忘其初孔子在陳何思魯  
之狂士孟子曰孔子不得中道而與之必也在  
狽乎狂者進取狽者有所不爲也孔子豈不欲  
中道哉不可必得故思其次也敢問何如斯可  
謂狂矣曰如琴張曾皙牧皮者孔子之所謂狂  
矣何以謂之狂也曰其志嚶嚶然曰古之人古  
之人夷考其行而不掩焉者也在者又不可得  
欲得不屑不潔之士而與之是狽也是又其次



也孔子曰過我門而不入我室我不憾焉者其  
惟鄉原乎鄉原德之賊也曰何如斯可謂之鄉  
原矣曰何以是嚶嚶也言不顧行行不顧言則  
曰古之人古之人行何爲踽踽涼涼生斯世也  
爲斯世也善斯可矣闒然媚於世也者是鄉原  
也萬章曰下鄉皆稱原人焉無所往而不爲原  
人孔子以爲德之賊何也曰非之無舉也刺之  
無刺也同乎流俗合乎汙世居之似忠信行之

似廉潔衆皆悅之自以爲是而不可與入堯舜  
之道故曰德之賊也孔子曰惡似而非者惡莠  
恐其亂苗也惡佞恐其亂義也惡利口恐其亂  
信也惡鄭聲恐其亂樂也惡紫恐其亂朱也惡  
鄉原恐其亂德也君子反經而已矣經正則庶  
民興庶民興斯無邪慝矣○孟子曰由堯舜至  
於湯五百有餘歲若禹臯陶則見而知之若湯  
則聞而知之由湯至於文王五百有餘歲若伊









第 一  
卷 五